



安徽通志

ル 5
1575
85



凡呂〇五
1575
85



重修安徽通志卷二百六十

人物志

隱逸一

夫賢人隱見世道升降之端也是故唐設不求聞達之科明置不為君用之罰一勸一懲而硜硜者終不因勸懲而易其志所謂不事王侯高尙其事者非歟然謂盛世無隱士則中天極盛巢許偕遜潁陽又何以稱焉我

聖朝聲教淪浹巍科顯爵頓天網以羅英俊民之秀者無不觀光而賓廷而一二枯槁之士孤行其志者亦詳於舊籍今所續纂落
落數人而已又按宋陳搏為亳州真源人今河南歸德府鹿邑
縣地舊志收入潁州與老子誤同茲并削之述人物志隱逸傳

安慶府

重修安徽通志卷二百六十 人物志 隱逸 一 安慶府

周濬子氏戰國時人相傳官爲司空隱居於皖之山後遂名其

山曰司空山

安慶府志

宋向榮咸平閒處士也葬於龍山之麓明萬曆甲申山水衝決

出墓志有云先生皖之熙人也少通經史長而遊於江淮及晚

安慶府志

憇志龍山之下結茅而居朝夕與諸徒講易云云

阮晉卿桐城人鄉舉第一宋亡稱疾不出臨卒屬子孫不得讀

桐城縣志

書爲將吏但耕田自給而已

元黃信一太湖人仁宗時殿試第一工詩文不樂仕進終老於

江南通志

巖壑閒

吳介太湖人甯宗時鄉試第一喜居山谷所止之處多植修竹

安慶府志

異卉清幽絕俗今邑治北門內有井上勒吳解元字痕未滅

安慶府志

明於國華懷甯人博學工詩文不樂仕進專精臨池備有晉唐

之法性好山水每遇名勝卽構精舍其閒至今招提多以其姓

安慶府志

名之

吳宗洙字惟孔懷甯人隱居讀書不問戶外不喜見要人有詣

門求見者堅匿不出卒年八十四所著有雙桂堂迎暉閣消暑

江南通志

塵談諸集

胡燦字德晦潛山人性嗜恬淡曾以國子生授安陸州判不赴

安慶府志

隱居山中課訓子弟不問生業樂義好施鄉黨誦之

陳鏞字子毅太湖人有志性理之學隱居華林原教授生徒所

安慶府志

著有西溪集

陳桂字秀廷太湖人嗜經史居貧自樂村有婦人爲妖所麗桂

至其家妖避之乃語婦曰彼正人幾爲所見後隱於龍山不履

重刊安慶通志卷之二十一
城市安慶府志

吳讓之字荆野太湖諸生性情淡杜門讀書不與外事後乃隱居惟日取古人忠孝卓越之事為人誦說安慶府志

金綦字尚美潛山人性至孝卅角時嘗赴闕訴父冤得直家素封綦盡散以濟人歲饑子憲以衣質米數十斛人門適鄰里告急綦卽分給之父子饘粥陶然也弟藻姪瑀荷其教授並領鄉薦獨隱居別墅蒔花種竹以詩酒自娛終所著有思補亭集江南

舊通志 安慶府志 按思 補亭集又見文苑金憲傳

曹維周桐城人逸其名少讀書山寺中爲童子師李自成陷京師維周聞之慟哭卽散遣生徒爲寺僧種菜灌畦之暇時取書讀之或曰爾傭工亦知讀乎答曰第識字而已桐城縣志 新增

吳應鉉字幼玉懷甯人喜讀莊列等書善議論有雅度嘗筮得

蠱之上九決意林泉於松下築謾謾居與釋衲往還尤深於詩有集數卷今存安慶府志

顏從喬字若齡懷甯人性恬淡愛豹嶺林泉之勝遂終身焉嘗作隱士詩以自況同時有倪爾嘲方應賓皆嗜古工詩同隱冶塘山中與從喬爲世外交安慶府志

吳儋字仕富桐城人少卽高隱往往以詩紀事晚年植槐於庭自號綠窗主人有詩云懶向黃花占事業三公畱與後人封迨四傳而孫果列卿貳江南通志

方見字惟素桐城人才名冠一時隱於湖山之間與詩人徐宣相倡和有古名士風江南通志

方授字子畱桐城人嗜學工詩明亡棄諸生祝髮入四明山中結茅而棲採橡栗而食卒年二十七所著有三奔浙江草浙遊

四集秦川草

江南通志
方氏詩輯

袁平字石綠宿松人性豪爽工詩文高隱西源

江南通志

蔣延祐字孔篤懷甯廩生讀書嗜古凡金石遺文蝌蚪奇字窮

力搜索性孝友撫孤姪如子崇禎末應貢棄不顧隱虎澗以終

安慶府志

劉若宜字宜之懷甯人崇禎丁丑進士歷官職方郎中京師陷

投繯為家人所救遂僧服遜居甌山三十餘年未嘗入城市所

作詩文盡焚其稿卒年八十人稱甌山先生

一統志
江南通志

顏浩字直生懷甯人以舉人官南陵教諭明亡隱居石塘往來

祇山樵野叟而已

安慶府志

方應徵字二治懷甯人少習陰符應武科得雋楊嗣昌檄聘從

軍應徵見事不可為遂堅辭不出明亡入山但以訓課兒孫為

事卒年八十

安慶府志

吳道新字湯日桐城人天啟丁卯舉人崇禎間以薦為國子監

助教擢工部主事甲申徒步歸里隱於白雲山營生壙以待死

著書數十卷人稱無齋先生

江南通志
安慶府志

齊述字柳峯桐城庠生按察使之鸞子也之鸞卒於官徒步扶

櫬歸里後遊太學例授通判觀時艱決志歸隱於兔濱以吟詠

自娛所著有柳峯集同邑許雍亦棄諸生著柏菴集十卷

安慶府志

方大普字中渡桐城人崇禎庚午舉人知建甯縣廉潔慈愛泣

事嚴明盜賊屏息甲申挂冠歸隱詩酒自放所著有歸田錄指

南諸稿人稱文節先生

安慶府志

方文字爾止桐城人司徒大鉉之子也工文詞盡交天下英彥

明亡棄諸生博覽名勝流寓於宣涇之間嘗過涇荒城有詩云

陵陽山下稻花秋南陌東阡自一邱聞道沈沙多折戟居人知
是古猷州微辭感慨涇人能傳道之早卒所著有禽山集涇川詩話

安慶府志

孫中岳字又申桐城人父臨死節後流寓閩嶠十餘歲始聞道
歸息影埋形悲愉憂戚一寓之於詩安慶府志

周岐字農父桐城人少孤事嫡母以孝聞崇禎中貢入京師屢
上書言時政得失以薦參少司馬孫晉軍事授監紀推官史可

法開閩維揚岐贊畫軍務尋謝病歸築土室嘯咏以終著有孝

經外傳執宜集燼餘稿行世子煊明經不仕著有秋懷詩角居

集一統志 江南通志 安慶府志

姚康桐城人明季流寓懷遠與楊尚渾友善楊築繪景樓延四

方豪雋之士康主其家每出遊山花壓鬢村醪漉巾歌哭無端

聞者哀之懷遠縣志 舊志鳳陽府流寓 新移

阮魯士字一儒太湖諸生博極羣書尤工書法甲申後隱居羊

鳴山閉門卻掃著述自娛為人長厚有古風鄰里化之安慶府志

楊逢泰字開甫宿松人明季寇亂厭薄功名以詩自娛晚遂閉

門究心墳典著有居此居集安慶府志

吳莊宿松廩生博雅多才明季入山築藕花居以詩酒自放不

復過城市安慶府志

孫震字魯山桐城人由進士累官兵部尚書明末避地仙居二

都方宅後復移寓一都安甯有烟霞皆物外雞犬即仙家之句

浙江通志 新增

周孔修字敬之望江諸生童年遭父母之喪擗踊如成人明季

寇馬縱橫望江孤城凡築壘犒軍一切備禦孔修皆力任其事

甲申後裹藥杜門屏絕世事鬱鬱以終人咸悲其志焉安慶府志

李在銓字當衡桐城人喜讀書朱黃錯雜讐校精嚴流寇躡桐

為有司籌戰守方略登陣告誠城賴以全甲申後棄諸生斗室

蕭然以吟咏書畫自娛安慶府志

王翰號廢夫宿松諸生晚逃於禪不求仕進工詩善飲朱彝尊

嘗採其詩入明詩綜至今宿松言高士必首推之同邑張光裕

亦工詩不求聞達所著野望詩明詩綜采之其高曠不減王無

功也宿松縣志

王繼統字伯祥桐城人明亡棄諸生扁舟草服放情山水著有

羹湖集桐城縣志

夏承春字廣生桐城諸生博通經史多藏宋元名跡及古彝鼎

皆能辨其真贗甲申後不與世事簪冠野服隱龍眠山所著有

晞髮集安慶府志

胡吳祚字樸學桐城人明季寇亂避地池陽又寓金陵明亡棄

諸生歸隱西環山中四十年不入城市所著有駢雅百六十卷

子彌彈博聞強識克紹其學所著有石門集安慶府志

劉餘芳字芳遠潛山人為諸生二十年未嘗一謁當事甲申後

隱皖山著四書性理大全纂以琴書花竹自娛名流咸推重之

安慶府志

汪延運字徒之潛山人嗜古好學尤工書法後棄諸生築山房

讀書課子以自終焉安慶府志

周期應字維新太湖庠生甲申後耽情翹葉放懷山水所著有

酣齋歌及諸文稿太湖縣志

汪之順字禹行懷甯人乙酉後棄諸生隱於梅湖著有詩刪周

亮工為序而行之懷甯縣志

范又蠡字小范懷甯人乙酉後棄諸生遠遊數年晚隱漳湖不

入城市著有釣吟集懷甯縣志

姚亮字揆采桐城人乙酉後棄家以遠遊著述為事有讀史辨

疑易存井田圖說及絳雪堂詩集子秉濬亦工詩善駢體文清

操如其父桐城縣志

張度字齡若桐城人性至孝澹於名利親歿遂棄舉子業專攻

詩古文書法文待詔畫做黃子久詩品在丁卯劍南之間所著

有蟋蟀窩集十卷安慶府志

陳昉字朗生桐城人嗜酒負奇氣鑿石構軒顏之曰石舫寇至

方飲持杯大罵為所砍未死後有二賊至識之曰陳先生也為

合其頸備以汗污氈毛灰遂漸愈晚年以酒瓶挂樹就而飲醉

則拾敗葉破瓷書所得句於上後更架小樓於石舫之巔不下

樓者數年桐城縣志

韓長世懷甯貢生明季避地金陵歸隱於黃荻阪著有竹堂詩

集懷甯縣志

韓鼎應懷甯人乙酉後棄諸生構數椽於湖山閒顏之曰醉陶

賦詩飲酒而終懷甯縣志

朱延祚桐城諸生嗜酒工詩善草書後乃遜跡深山與禪和野

叟相唱和著有果園藁十餘卷方詹事拱乾為序而行之桐城縣志

阮濬字季子懷甯人築室龍山冬夏惟披一衲工詩畫得酒即

揮灑自如嘗謂友人曰死即葬我草堂之側題石曰此飲者阮

子一衲之墓江南舊志

周自新字澡一望江人初為掾吏安廬道史可法與語奇之畱

參幕府時黃梅賊掠潛太閒可法用自新計急攻之遂破賊於天堂居三載以母老辭歸可法屢招之並薦於朝皆不應隱居林下以終可法殉節揚州自新悼慟招魂祭奠焉望江縣志新增任之燦字峻伯懷甯諸生明季僑居金陵當福藩監國時奉母歸聞左良玉兵叛陳防江守城分兵措餉諸策時不能用乙酉城潰閒道入山及

大兵平江南傳檄至皖之燦泣曰滄桑之變不意吾身親見之肅衣冠北向拜畢端坐而逝祀鄉賢懷甯縣志新增

國朝張載字子容桐城諸生大學士英之兄性孝友博學能文多材技明季桐遭流寇父贈君遇賊不知所在載縋城透賊營徧求之山澤力護以歸與諸紳分陞守禦射賊無不洞胸遂引去後年未四十隱於松山不入城市三十年親故罕見其面年七

十餘著地輿圖尺幅中作小楷數千精妙絕倫卒年八十一一統

江南通志安慶府志

方孔時字叔茂桐城庠生嘗作治平策十四事左光斗為上之朝高攀龍黃尊素皆謂切中時弊疏畱中補國子生陸萬齡請以魏瑄配孔子司業朱之後上其疏孔時太息即日南歸畱書與之俊直言切責坐黜為民崇禎初晉恩貢生除台州府同知不赴舉賢良方正亦不就

國初江督馬國柱皖撫李日芄疏薦堅辭不出卒年八十五門人

私諡介節先生桐城縣志以上舊志

王化字高山桐城人積學窮經隱居研易以終其身所著安玩新書內外兩編據元會運世之說而衍之由象數而推見大原晚更名嵩自號遜齋又曰天山人方宗誠柏堂文集桐城縣志以下新修

盧宗祿潛山諸生寓湖北竹溪縣嘉慶初教匪竄竹溪宗祿以計走之時額勒登保追剿至竹溪訪知奇其才屢招不赴嘯咏終身著有繡谷詩鈔

潛山縣志

鄧石如以字行後乃更字完白工隸書精篆刻嘗一筇一笠肩行李走百里自號笈遊道人登匡廬入黃嶽上春山見漢唐古碑必手摹之初藝不及中人偶至涇趙侍御青藜予之書使至白門詣宣州梅鏐館其家半千閣一年梅藏漢舊搨數十種石如日取而臨摹之足不下樓者數月一出遂以書名天下

懷甯縣志

舊志方技新移

徽州府

唐張友正歙縣人結廬城陽山下貞元末魏宏簡來為宣徽副使重其才請為披雲亭記立成酬以金帛不顧去

唐文粹江南通志

宋邱濬字道源黟縣人天聖五年進士因讀易悟損益二卦能通數知未來早歲游華陽洞求為句容令歷官至殿中丞嘗語

家人曰吾壽終九九後至池州一日起盥沐索筆為春草詩端坐而逝著有詩文集十七卷

徽州府志

曹汝弼字夢得休甯人高蹈不仕與林逋魏野齊名號松蘿山人

江南通志

汪覃字六才績溪人隱居不仕號水月居士蘇軾嘗贈之以詩

東坡全集

胡如愚字不愚婺源人從胡安定學為一邑儀表卒門人私謚曰德隱先生

徽州府志

洪擢字節夫婺源人讀書根究理道元符初詔徵不就築室主龍山園授徒講學朱子方弱冠擢知其賢與為忘年之交著有

菊坡言志錄徽州府志

許潤字子瑩績溪人政和中累徵不起構樂山書院於沈山講

道其中徽州府志

俞靖字宋祐婺源人與朱松為星溪十友徽州府志

程鼎字復亨婺源人從朱松學於閩卒後朱子表其墓江南通志

胡正歛縣人仕至兵部尚書靖康中避亂常山縣卒葬郭山其

所居今名胡村浙江通志新寧

程先字傳之休甯人痛父死節於金守墓不仕嘗問道於朱子

著有東隱集江南通志徽州府志

邵悅字貞父休甯人隱蘿山精舍玩易象集方書施藥活人兩

膺辟舉皆不就江南通志

張雄飛字宏甫歙縣人嘉熙中鄉貢絕意應舉教授子弟作家

訓謂立身自名節始名節自孝悌始卒之日遺命勿用浮屠門

人私謚曰明善先生徽州府志

李縉字參仲婺源人絕意科舉築室鍾山朱子嘗與程珦過縉

講論極稱其文卒表其墓著有論語西銘解諸書子季札亦從

朱子學有問答見朱子語錄著有近思續錄字訓續編諸書江南通志

徽州府志

汪大發字敷之休甯人淳祐閒魏了翁築室白鶴山下大發負

笈從之得其傳歸建平山書院教授於鄉學者稱為騰波先生

江南通志

江愷字伯成婺源人潛隱耽著述時婺貢楮絲民甚病之愷以

書白部使者貢得蠲程旬軒嘗稱之曰欲知隱不為徒隱須看

當時免貢書江南通志

金彥超休甯人理宗時教授懷甯愛舒州山水之勝遂卜築潛之西山讀書味道構黃山別業家焉安慶府志 舊志安慶府流寓 新移

范啟字彌發休甯人理宗時三徵不起賜號風月處士著有雞肋漫錄管錐雜志并觀記諸書江南通志

潘洋發字巖肖歙縣人淳祐中為太學生上書論史嵩之起復之非不報退隱潛虬山累徵不就常輯龍溪紫陽諸文撰文海

天琛江南通志

徐驥字伯驥婺源人學於胡宏著義易圖皇極經世發微江南通志方秋宇歙縣人隱居黃山吟咏樂志著有秋宇吟藁韻府等書

鄉人祀之於六逸祠徽州府志

趙戮字成德休甯人隱居徜徉以詩文自娛著有史權及吟嘯集姪彌忠字資敬廉使察其行舉為校官高蹈不仕著有雲屋

集江南舊通志 徽州府志 宋詩紀事

李偉字敬叔祁門人咸淳中任郡學賓師入元不仕嘗作經史訓注二圖江南通志

劉光字元輝歙縣人開門授徒五十餘年元行省差充甯國路學正不赴江南通志

羅榮祖字仁甫歙縣人與處士蕭軒同被徵鄭左參力為勸駕榮祖書招隱詩謝之江南通志

金若洙字子方休甯人受書程若庸之門弱冠領鄉薦令黔江宋亡不仕隱居東園著述以老江南通志

許宗堯字子仁績溪人隱大鄣山累徵不就江南通志吳應紫休甯人年十六領鄉薦宋亡不仕有詩云自甘白屋為

閒叟敢說青雲有故人徽州府志

汪宗臣字公輔婺源人咸淳中兩中選宋亡不仕與弟季洲同

居子姓四百餘指和氣雍雍著有世乘窺班及紫巖集年九十

二逮見五世新安文獻志

胡次焱字濟鼎婺源人咸淳四年進士授湖口主簿改貴池尉

有鬼物慙毆死者為白其冤元兵至境總制以城降微服脫歸

或勸其仕作媒媿問答詩以見志著有四書注諸書人稱梅巖

先生新安文獻志

孫嵩字元京休甯人以薦入太學宋亡歸隱自號艮山以示意

時許月卿壻江愷及汪炎昶皆絕意當世俱從嵩遊其詩悲壯

激烈讀之可知其人弟巖字次皋亦不仕著有爽山集新安文獻志

吳欽字敬遠休甯人中漕舉宋亡題於屏曰殷周雖代而首陽

自存晉宋雖更而陶徑自若有樓名延桂人稱延桂先生徽州府志

滕堞字仲塞婺源人宋亡不仕常命其兒子舜父求得文天祥

過金陵驛詩懸於堂焚香拜泣又過西湖拜岳墓有相對含悲

石翁仲老衰無淚落秋風之句著有星巖詩新安文獻志

元汪萊甫字芳卿歙縣人好讀易自號草窗先生虞集薦之詔

有司辟舉不赴江南通志

吳浩字義夫休甯人隱居不仕專務性理之學所著有直軒集

大學口義諸書明永樂間纂輯大全多採錄焉徽州府志

汪興祖字汝舟祁門人元季不仕偽漢隱居教授又汪從政字

龍泉至正中兵科給事中明初除中書舍人不就年八十五汪氏通譜

朱宦字良卿休甯人讀書不樂仕進至正二年特劄賜號澄節

處士弟永錫亦博學與宦齊名徽州府志

黃德清字古田祁門人從戎滁州元鼎革遂隱居不出著有農

桑備考祁門新志新安新名族志

明羅城輔字誠一歙縣人太祖駐師玉屏山以耆老召見對稱

旨欲官之不受江南通志

胡安字伯康歙縣人郡守陳彥回以懷才抱德薦不就同邑王

寅字仲房少為諸生棄去遠遊喜談兵工詩習禪自號十岳山

人江南通志

吳買字漢臣休甯人通五經尤精易洪武初屢徵不就同府舒

遜績溪人工詩亦辟舉不就又湯守敬字彥肅婺源人明初詔

舉名儒不就江南通志

王善慶歙縣人力學善書居環溪結屋僅容膝屢召不出同邑

鮑甯字廷謚正統間御史郡守交薦不出著有天源發微辨江南通志

金顯德字世榮休甯人博極羣書不求聞達出粟賑饑聞於朝

欲官之不受門人私謚為節孝先生江南通志

唐世靖字介福歙縣人一日讀書見先生云四股入比之外原

有學問公卿大夫之外原有人物遂棄諸生為山人布衣葛巾

吟詩染翰所著有三邱山人什一草江南通志

方問孝字胥成歙縣人別名癯丈人亢直不肯阿世隱居不仕

著有蒼耳齋詩三十卷江南通志

吳拭字去塵休甯人性豪縱有潔癖嘗持千金一日都盡善詩

工書畫製墨及漆器精妙人爭寶之又精琴理有訂正秋鴻譜

嘗自入山擇琴材故相傳有去塵琴云江南通志

汪益亨字德裕歙縣人與江天一等相友善諸人既各成其志

益亨南走閩越歸老秣陵號鍾山逋客著有鳶飛魚躍集及南

華注諸書徽州府志

汪佑字啟我歙縣人明季與楊廷樞等講學蘇州後乃絕意仕

徽州府志

進講學於紫陽還古兩書院幾三十年一鄉化之

徽州府志

王泰徵字嘉生歙縣人崇禎丁丑進士歷吳川新會建陽令俱

徽州府志

有聲擢禮部主事未赴值明亡歸隱檀山杜門教授著有樗菴

徽州府志

集及春秋四傳輯言周禮考工辨五代史歎友林漫言諸書

徽州府志

汪沐日字扶光歙縣人崇禎癸酉舉人後入吳為僧名正濟號

徽州府志

益然晚以故人迎歸黃山自知死日集故友為詩而逝著有易

徽州府志

解莊通諸書同邑羅斗明亡不仕著有翁山集又有程自玉者

徽州府志

隱於醫四十餘年不踐郭門

徽州府志

章佐聖字右臣祁門人棄諸生賣卜於市著有麟經志在解大

徽州府志

易時義注同邑陳二典字書始亦棄帖括杜門著書以程朱為

徽州府志

的又汪文錫亦棄諸生杜門不出又歙程守汪溥皆棄諸生著

徽州府志

書終老程有省靜堂集汪嘗刲股救親有丹石齋史論沈史越

徽州府志

吟諸書

徽州府志

方允煥字其章歙縣人明亡不與試不娶妻僑居淮上有湯隱

徽州府志

君者樓居三十年禮絕送迎惟允煥至褰裳就焉

徽州府志

程錫類字不匱休甯人明亡棄諸生一意纂述凡經史詞曲百

徽州府志

家手鈔成帙嘗舉生平所見聞之書為書目一百二十四卷曰

徽州府志

見聞傳聞錄

徽州府志

查潛字淵若婺源人為文高古足跡不履都聚迹高湖山造

徽州府志

查潛字淵若婺源人為文高古足跡不履都聚迹高湖山造

徽州府志

其廬者不得見尤好周恤破產濟人至極貧不怨

江南通志

王環號石農休甯人從金聲遊以古文為制藝明亡絕意仕進

遊覽四方足跡幾徧海內所著有高雪堂集詩嶽初集

徽州府志

汪荀字淑子休甯諸生善古文明亡棄去為詩歌以自娛著有

霜崖集鴻雪居詩餘自怡編

徽州府志

謝喆祁門人幼孤力學明亡不就試冠婚喪祭皆據三禮率宗

族力行有欲薦之者以母老謝力辭不就

祁門縣志

謝天達祁門人明亡以隱逸終潛心理學以程朱為的從祀紫

陽書院及本縣朱子祠

祁門縣志 新增

陳汝器陳昭祥陳元祥陳起辛並祁門人讀書隱居不求聞達

昭祥著有頴西社集天遊稿元祥著有花月樓陽春亭長嘯臺

等稿

祁門縣志 新增

孫國瑜字玉汝休甯人明亡隱居不仕以布衣終高風亮節見

重時流又吳炳孫漢昭方里並休甯布衣教學著書不求聞達

方里著有一枝山房集四聲音釋義

休甯縣志 新增

劉士宏字毅人徽州人少有至性刲股療親疾曾至西粵以策

干當事招諭獐獐有功以通判用不樂仕進去為汗漫游僑寓

繁昌城南著作盈筥一時名流杜茶村陳伯璣等皆為之傾倒

太平府志 舊志太平府流寓 新移

程昌誼字越未婺源人為文直追秦漢性孝友居喪一遵古禮

明末見時艱即棄諸生築室西山之麓日課子姪以性理之學

所著有性理宗要霞思草易解未成堂集諸書

徽州府志

汪偉字位三黟縣人崇禎中恩貢築室深山偕兄弟四人窮經

不倦每月朔望謁先師率子弟講孝經歌詩習禮著有聽石吟

廣孝篇天潛講義大易解諸書

徽州府志

楊泗祥字瑞呈休甯人父卒未葬土寇猝至泗祥守柩不去賊知其孝子戒勿犯還古書院久廢力請當事復之又復興石橋巖湛若水講學書院并草創紫陽六邑大會敦崇正會講學不倦及卒同人祀之會所

徽州府志

余紹祉字子疇婺源人年十二割股療母善古文工行草築室著書自號疑菴居士著有詩草賦草山居瑣談元邱素話訪道日錄子藩卿字翰臣明亡棄諸生寄情溪山三十年以詩歌古文詞見志著有家居四禮天經堂文集頑石居詩集

江南舊志

汪蛟字辰初歙縣人崇禎己卯舉人李自成陷京師走閩粵滇緬間二十餘載藩帥聞其名薦之以原職用蛟以母老固辭母卒杜門謝客著有客滇集詩古文詞數十種兄季舒舉人亦以

文名

徽州府志

王元度歙縣人明季棄諸生皈依禪門絕葷酒著有軒轅閣詩集同邑洪舫字方舟豪邁不羈室中常奉屈原杜甫木主禮拜之著有離騷辨杜律評諸書

歙縣志徽州府志

凌世韶歙縣人進士歷官戶部郎中甲申後棄家至白門為僧於萬松菴

歙縣志

周士選字鏡玉績溪人明末拔貢甲申後隱於岐黃有勸之出者作貞女答問詞以見志著有春秋鍵鑰墨莊集

績溪縣志

曹鳴遠字文季婺源人進士知臨川縣有破賊功明亡改號寄菴遜跡林泉有所感一以詩文見志人擬之靖節云

婺源縣志

汪洪道黟縣人明季常參左良玉軍幕及左夢庚兵變遜歸土寇黃之貞及黃嶺賊瞎桂子等攻破邑城洪道率鄉兵逐之殺

重刊分德通志卷之十一
賊數百人賊逃去亂定爲僧棲止石鼓寺黟縣志

汪端聞休甯庠生工詩古文築小齋於城之東藏書萬卷以詩

酒自娛著有非非集行世休甯縣志

王春光婺源人本名斌衡甲申後棄諸生改名焉隱居授徒以

詩寫志詩法陶淵明其澹遠處幾於神似著有排青閣集婺源縣志

吳雲字望如婺源人甲申後棄諸生躬耕樵采以自給嘗識詹

養沈於寒微後詹解組歸遂絕跡不與往還婺源縣志

國朝黃生字扶孟歙縣庠生棄舉子業一意著述著有字詒義府

收入四庫又有杜詩說十卷江南通志徽州府志

吳大先字維則歙縣人家貧著述言行不苟時攜琴書山水間

繙繹之暇輒彈一闕自娛所著有離騷致幽集左傳史記莊子

別解諸書江南通志徽州府志

汪宏溢字澄一歙縣人年二十七始讀書崇禎己卯領鄉薦擢

妻子隱居繁昌假魏氏園以居徧歷馬仁隱玉諸山嘯吟不輟

有達官貴介委曲招致皆不顧著有涉江草伴愁吟懶餘山居

襍興等集太平府志舊志太平府流寓新移

方兆曾字沂夢徽州人僑居蕪湖讀書不應試工詩古文辭蕭

雲從湯燕生皆極重之著有省齋詩稿太平府志舊志太平府流寓新移

查士標字二瞻休甯人書法精妙人謂米襄陽董元宰再出畫

尤爲絕技出入雲林子久之間求書畫者車馬填門至有寓其

家半載而不得者與太倉三王齊名年八十餘卒徽州府志畫徵錄以

上舊志

曹應鍾字耳山歙縣監生博通經史善古文詩賦尤精篆書咸

豐元年舉孝廉方正不就放懷山水著詩文稿數十卷未刊歙縣志

重刊分德通志卷之十一 人物志 隱逸 七 徽州府

志以下新修

鮑邦倫字時憲歙縣人豁達通經史善鍼砭術自號樂靜老人著樂靜詩文藁十三種同里胡大溲字鶴田工詩隱於醫謂岐

黃精蘊非研究河洛不明著易醫格物編四卷歙縣志

余畝松婺源人讀書能文工篆隸精琴律隱居灌園採藥自給

或餽錢帛輒不受婺源縣志

余佐字忠元黟縣人精易學隱於卜筮吟詩作畫著冬青居士

詩二卷黟縣志

鮑桂孫字古香黟縣人祖元偃父寬皆以詩名桂孫善篆隸八

分尤入妙著有石鼓文考仿漢印譜家無甌石而真樂不改或

勸之從事顯者掉頭不應以石隱終黟縣志

甯國府

晉瞿礪先生不知姓氏太和末隱宣城文脊山山有瞿礪石因

以為稱桓温造焉先生披鹿裘坐石室神色無忤温及僚佐數

十人皆莫測乃命伏滔為之銘贊竟卒於山中晉書本傳

劉遺民逸其名鈞隱於涇縣白雲潭上今涇有遺民鈞臺涇縣志

按甯國府志涇舊志皆言遺民為柴桑令與陶淵明等結廬

山白蓮社疑為附會然今涇白雲故址土人皆能指之或別

有其人存以俟考

唐萬巨涇縣人天寶閒以材薦不就李白有贈扶風豪士歌以

巨遠祖漢槐里侯萬修封扶風故以為名李太白集甯國府志

汪倫涇縣人隱居桃花潭側李白遊涇倫款之白贈詩有桃花

潭水深千尺不及汪倫送我情之句又有過汪氏別業詩極稱

其好客之賢李太白集涇縣志

元逸士宣城人有志操杜牧許渾並贈以詩皮日休嘗遺之書云足下行奇操峻退臥陵陽錫命累頒高風轉固見文藪惜逸其名江南通志

王善可旌德人不樂仕進吟咏風月晚歲益篤嘗遇異人自知死日及期吟詩而逝又有方壺者甯國人其先自旌德徙隱居於陶瓦嶺子孫皆稱五嶺方氏甯國府志

宋張貴字待舉宣城人慶歷癸未進士以臚唱失儀免遂隱居不仕黃庭堅贈以詩云人賢忘巷陋景勝失途窮王安石居金陵貴與之同登第放舟訪之經宿而還安石畱之不可曰吾與爾矣其高致如此甯國府志

劉逸太平人高尚不仕孫覺為邑令甚重之甯國府志呂仲法旌德人性恬退政和閒屢辟不就築室東山吟咏自適

甯國府志

程炎子涇縣人隱琴高山文天祥曾過訪之名其樓曰森翠所

著有煙水集宋詩紀事江南通志

徐時涇縣人隱居碧山石門五十年躬耕自給刻詩於壁自道

其樂當時高之甯國府志

吳晦之字元用甯國人客游江淮周覽名勝晚隱道山築生香

亭一室幽棲著嚼蠟集江南通志

王謙宣州人建炎閒避兵徙建平高蹈不仕子浩亦有隱德浩

子機官修武郎繼娶濮安王第四女永壽縣主嘉定八年歲饑

部使者眞德秀貽帖易粟機慨應之饑民全活甚眾一統志舊志廣德

州流寓新移

元貢性之字友初宣城人師泰從子也以國子生補閩省理官

明初改名悅避居會稽耕漁自給邑人芮麟遇之邀與俱歸辭以詩曰游絲落絮俱成恨社燕秋鴻各自飛杜宇叫殘孤館夢

西風吹老故山薇每有所感泣然泣下卒門人私謚曰貞晦先生

江南通志

梅致和字彥遠宣城人隱居城南屢辟不起著有春秋類編十

二卷宋學士濂為誌其墓

江南通志

宗德涇縣人隱居水西世祖聞其名命樞密張易徵之不起後

又徵為侍中不拜卒年九十二

甯國府志

陳玉峯太平人以尚書春秋名家登第後僅一試為令慨然曰

陶彭澤何如人乃為五斗折腰遂歸隱黃山不再出

徽州府志舊志徵

州府流寓新移

左德道涇縣人性恬退以吟咏自娛與其兄震道皆為劉基所

重勸之仕不應著有陋巷集

甯國府志

左斷炎字榮叔涇縣人治身禮喜吟咏愛山水之勝攜琴鶴自

娛知死日端坐而逝

萬姓統譜

程應鼎旌德人至治辛酉鄉薦隱居不就辟舉築室東郊取杜

詩知子嬾是真之句顏曰是真著有論語發明

甯國府志

明林景初太平人洪武初求遺賢知縣梁德遠勸之仕以疾辭

隱居香山號獨隱居士同邑王燧生於元末遭時亂隱居養親

洪武初遊太學不願就職以親老辭歸讀書自娛徜徉終身

甯國府志通志

貢鏞字元聲宣城人博洽工詩家人夜執盜鏞不欲識其人命

勿燭盜曰苦多逋負更給布粟遣之里人患疫眾膜視自持藥

療之錄古隱士有跡無名者以自况著有西園遺訓西園集

通志 甯國府志

劉章甫南陵人性恬淡不樂仕進喜吟咏士大夫慕重之其孫

允迪善書法永樂初以楷書徵不就自號中山書隱甯國府志

楊貞字彥恆宣城人少孤篤學不干仕進莊景聞其名訪之即

田閒訂交而去後同邑施閏章為作傳弟實亦能詩施愚山集甯國府志

王源字惟遠南陵人幼抱遠志慕陳獻章莊景之為人力學不

輟著有東溪詩集同邑范如岡字埜夫宏治壬子舉人絕意仕

進杜門講誦著有知新錄歲寒亭稿甯國府志

袁鶴聲宣城人好古文辭長於詩不樂仕進遂棄諸生以吟咏

自適著有鶉居集同邑陳于賓潛心經史不應有司試湯賓尹

為題其居曰竹隱窩著有四書鐸五經鐸廿一史撥竹隱清言

文粹等書又有陳廷梓者天性情淡亦有古隱者風甯國府志

王廷考字思道涇縣人少補諸生旋棄去不應試與羅汝芳查

鐸等講明理學著有孤山集甯國府志

江溥字紀源旌德舉人見時事多不合遂決意不仕築松筠居

以隱蕭然獨樂旌德縣志

張一鑑字冰鑑涇縣人萬曆丁酉舉人不樂仕進喜遊名山每

遊必記築小隱園於城南自作阿麼居士傳甯國府志

湯廷對字士初宣城明經好讀書足不踰戶限善春秋不肯謁

選同時有汪千頃亦明經不仕甯國府志

洪載號野鶴涇縣人隱居嗜古為詩效陶靖節孟襄陽歲饑周

恤鄉黨有鶯兒女者為贖還之著有雲水集江南通志

方海號東郊樗叟南陵人不利祿經心惟力行孝弟鄉人化

之遂成善俗人稱為隱君子甯國府志

洪善應旌德人幼習舉子業棄去結廬山中終身不入城市同

邑江有衢號龍山居士讀書恥秦漢以下結廬龍山吟嘯自娛

著有檢身家訓甯國府志

湯燕生字巖夫太平人甲申後棄諸生寓居蕪湖築補過齋自

號黃山樵者博覽羣書善詩文工書畫尤篤於義故友有難幾

以身殉晚尤用心於易年七十餘卒甯國府志

黃可縉字元獻甯國人崇禎時舉人守道重義隱約自甘值明

季不復仕進兵荒洊至出資以濟鄉里並勸邑人相周郵甯國府志

胡簡文甯國人甲申後棄諸生入山佯狂日咄咄作書空狀著

有歷代忠臣錄水村集甯國府志

洪維翰字叔宗涇縣人崇禎癸未進士督餉浙中明亡流寓閩

越久之歸築室舉山終其身為詩排蕩離奇激昂慷慨而性獨

和易近人能周緩急卒之日鄰里皆巷哭甯國府志

包應暘字旭之涇縣人甲申後日縛一草偶書李自成姓名牽

出郊外射之人以為狂既乃結草廬香爐峯飲水茹蔬窮餓以

死族兄玉琦亦窮餓終老人稱難兄難弟甯國府志

王雲鵬涇縣人甲申後棄諸生自髡為僧著有五經詳說同邑

汪裕昆亦棄諸生築一室坐臥其中終身不出戶又有查志成

者性孝友善做米海岳書立家規建公祠勸捐義田數百畝一

族賴之甲申後棄諸生晦跡深山自署其號曰明志甯國府志

胡蜚英字淡然涇縣人與諸儒切磋正學甲申後計年例當貢

避不就閉戶潛修闡發經義著有初言中言子大甲諸生行己

端方克承父志甯國府志

鄭過字原古涇縣人甲申後棄諸生寄情詩酒終其身著有樗齋集同邑翟尚志字伯海亦棄諸生種菊陶山與萬應隆等唱

和甯國府志

楊遜字懷鳳甯國人好濂洛考亭諸書立品孤介不屑仕進嘗

居普蔭寺集同人講論一時景從甯國府志

吳偉儒字聖開甯國人喜講學見有雜以禪者則斥焉居父喪

哀戚瘠毀甲申後棄諸生負母隱於梅溪甯國府志

陳輔性字足彝太平人嚴毅孤峻榮辱禍福不以動心喜為詩

獨嗜杜陵以其惓惓不忘君國也甲申後棄諸生遜迹黃山以

老甯國府志

朱鶴祚字士賓太平歲貢嘗讀書不下樓者三年為文原本經術崇禎末時事日非遂閉戶不出研精理學尤邃於易卒年八

十餘甯國府志

焦守文字肖甫太平人不圖進取喜吟咏工書法以琴書花石

自娛著有歷代年譜及家乘同邑崔海性孝友峻潔絕俗託跡

泉石惟恐人知甯國府志

孫烈字承哉宣城人崇禎間增廣生入南雍文名藉甚明亡絕

意進取怡情泉石終其身甯國府志

李一堂字伯升太平人甲申後棄諸生削髮入匡廬後有族人

見之五老峯下熟視佯不識徑入山去同邑項士文亦棄諸生

徜徉山水以終甯國府志

國朝徐惇宣城人嘗以薦議授四川幕職旋棄去為僧名在柯號

半山善畫山水氣韻天成桐城方氏贈以詩云一著袈裟絕萬

緣只餘破硯習難捐江山本是無情物寫出荒殘極可憐書徵錄

方氏詩輯

甯國府志

倪正字方宣城人父元浪著釣譜一書極博與正古文高邁

書法蒼勁尤精天文歷算當事敦請皆謝弗應梅文鼎嘗從受

交食法甯國府志

徐煌字子盛宣城人年十二補諸生長輒棄去好為詩吟咏無

虛日家無甌石不輕受餽遺同邑楊組字又基為諸生有聲已

而謝去善詩詞工書法喜斲老樹根為人物鳥獸摩挲不去手

甯國府志

駱上翊字贊若宣城人性至孝父士襄臥病積年早夜侍牀蓐

不懈父卒絕意進取枕藉書史尤工寫山水一時推重之甯國府志

曹希冕字文斗涇縣人少慕嚴子陵龐德公之為人構精舍於

小嶺之陽著淨土詩四十八首甯國府志

王學基字禹疇南陵人善古文詞落拓不羈野貌古心隱居尚

志并日而食百結不完泊如也甯國府志

翟斗字對松涇縣人隱居桃花潭工吟咏有對松閣詩集同邑

包眉齡好遊山足跡半天下每作詩歌以紀其勝老而隱於烏

龍山有詩集四卷甯國府志

張邦極字斗樞甯國人嗜學工書不求仕進隱潯潭嘗攜酒吹

簫徜徉靈峯桃源間以終甯國府志

無名子太平人嘗持一封交邑歲貢胡紹虞家時紹虞外出及

歸發之有白金數十兩書一函云平生苦積所餘浼其置田附

胡氏於箬嶺施茶不願畱名紹虞為勒碑誌之曰無名子云甯國府志

甯國府志

周啟楹字殖庭甯國歲貢七歲執父喪哀毀如成人弱冠為邑

經師家小桃源有鳳岡林壑之勝構草堂藏書數千卷講學其中選教諭不就飲酒賦詩蕭然物外三十年不入城市甯國縣志新修

王學其字禹卿南刻人善古文編著詩不羈理縣古心學風

重修安徽通志卷二百六十一 人物志

人物志

隱逸二

池州府

唐高霽字暄之秋浦人隱居石門山桃花鵝李白嘗遊其地又

嘗與霽同憩於青陽夏侯迴之堂相與聯句一統志池州府志

王繩秋浦人大歷閒與河東耿漳善漳有雪後宿王繩池州草

堂詩蓋池之隱君子也池州府志

鞏疇字禹錫秋浦人宣歙池觀察使鄭薰重其能以車幣致之

為薰說易老子姪環聽後薰休居於洛疇往訪之薰贈以詩今

白笥坡有疇祠池州府志

李昭象字化文池州刺史方元之子也方元罷池州卒於宣城

其家遂畱秋浦懿宗末昭象至長安路巖見其能深器重之後

避黃巢亂入九華築室碧雲峯下與張喬顧雲杜荀鶴為方外

交楊行密聘之不起唐詩紀事
江南通志

南唐陶守立貴池人通經史善屬文保大中棲隱齊山以詩自

娛兼工畫佛道鬼神山川人物後主金山水閣有十二羅漢象

守立所繪十國春秋本傳

夏鴻貴池人嘗與兄鵬輯十三代史略隱居不出鄉人罕見其

面子乾錫樊師古嘗師事之及守池薦於朝宋祖以冠服召之

竟不起自號清溪布衣時推一門高尚江南通志

宋劉放字世疏青陽人隱居九華之雙峯下自題石壁曰清隱

巖著九華拾遺一卷江南通志

陳翥銅陵人閉戶著書雖家人非其時不見江南通志

李國平建德人善詩不樂仕進隱居觀音院池州府志

程太古青陽人紹定閒隱居九華合刻僧應物滕子京九華新

舊二錄為總錄池州府志

陳巖字清隱青陽人博極羣書負用世之志宋亡遂深自晦匿

築室高陽河以居出則徧歷九華之勝有九華詩集宋詩紀事

元清谷居士不知何許人元初隱居於石埭縣七里之南山有

唐蟄者字起之貴池人與居士相唱和當路幣聘不應鄉國稱

之曰恭川逸民池州府志

郎禮卿貴池人至順閒舉人不樂仕進築煥園於城外杏花村

居之池州府志

楊仲愚青陽人幼好學博通經史隱居不仕所著書甚多池州府志

明徐宗禮銅陵人有行誼善詩文不樂仕進以與黃觀友善編

成奉儀衛後赦還

銅陵縣志

洪仲遵名道以字行建德人通易春秋屢辭辟命後授本縣訓

導復以老辭與江容等遊號五老

江南通志

吳世閱字子功青陽人工詩古文一生無惰容倨色後棄諸生

結廬廣勝山中為九華六逸之一所著有丹崖集九華詩草

青陽縣志

縣志

何煜字寤明青陽人少薄舉子業肆力於詩古文築雙柑園於

城東隱居自樂後徧游江湖客死金陵著有青浦集雙柑園集

青陽縣志

劉城字伯宗貴池歲貢善詩古文辭應社初起眾共推之讓之

吳應箕平生好談經濟著邊塞屯鹽河渠市馬諸議以史可法

等薦至京授知州請假歸北都陷慟哭不欲生南京倉卒立君

馳書可法陳十策又陳四鎮防河之害可法以書幣徵不赴應
箕死冒險收其屍葬之巖棲谷隱以終其身著有嶧桐集二十

卷

江南通志
貴池縣志

江杏字君培建德歲貢博涉文史深於天文兵法揣事多中明

亡晦跡不出同里鄭三俊為作傳

江南通志

金學重字任夫建德人與懷甯劉若宰齊名若宰廷試第一人

及第而學重困頓諸生崇禎甲申例應貢避不就棲隱深山以

著書終老

江南通志
池州府志

吳鐘字空之青陽人少孤嗜學有文名明亡卜築於宋劉放舊

隱處著書以卒同時孔尚大建德人棄諸生隱居以詩畫自娛

池州府志
建德縣志

曹大錫字九章貴池人明季授同知不赴其弟大銓殉難於章

江與弟大隴首其首歸隱遜以終

貴池縣志

桂天斗字凜北貴池人崇禎末考選主簿南都立君上疏陳六事授縣丞以言不用棄之歸隱所著有子垣日記十卷

貴池縣志

楊培字植生貴池人明亡時年十四即棄舉子業侍親喪葬畢徧遊名山著有鹿莊集遊草自鳴草諸書

貴池縣志

畢汝懋字惟修石埭人鏘之冢孫也授光祿署正不就母陳氏年百歲既歿猶慟哭幾絕廬墓三年明亡自投於水漁人拯之

石埭縣志

遂髡為僧築室陵陽山下不入城市

石埭縣志

柯青字青蓮貴池人明亡棄諸生芒鞋布袍徜徉山水同邑高映斗以諸生參其師吳應箕軍事應箕死晦跡泉石閒著有梅溪逸叟集又吳應箕族弟應社合為復社時有延陵七子

南湖逸民

之目筌其一也應箕死貿易村店中與屠沽混處以自晦

傳

姜大器字不盈貴池人明亡棄諸生徜徉詩酒自作北園拙夫解同邑章正之字不求少游太學積分注官明亡棄去築室太

樸山陬隱居終老

貴池縣志

江允鶚字叔峙青陽人明亡棄諸生隱於童橋野肆屠沽自污著有有我集二卷

青陽縣志

鮑文標貴池人僑居湓口左兵南下被執誘為嚮導不從幾死既而南都覆佯狂浪遊嘗在金陵雜民夫入舊內刈草與白頭

南湖逸民傳

宮監詳問遺事感慨成詩讀者悲之

南湖逸民傳

鮑光義貴池人工詩文明季避兵棄諸生棲隱七松里所輯有周易講義

江南通志

國朝蘇有乾字清宇石埭人宋建炎時有繼芳者穎濱四世孫出

宰銅陵遂家太平遷石埭有乾其裔也事親孝與人和不求仕進後以子汝霖貴屢膺

誥贈而被服儒素不肯一就賓筵有德而隱者也池州府志

舒讓字禮源貴池人篤行好學嘗言讀書求有用為善貴無名

鍵戶吟誦不慕榮利池州府志

桂定淮字泗先貴池人少工舉業通經史不肯應試後有產為

人所佔人勸其訟之官謝曰吾不入城市三十年矣竟不校湖南

逸民傳

胡祈字以甘貴池人經史百家過目成誦不肯應試所居庭院

皆藝菊著有菊軒詩草貴池縣志以上舊志

太平府

唐周惟長當塗人居橫山李白嘗贈以詩有曰周子橫山隱開

門臨城隅又曰抱石恥獻玉沈泉笑採珠可穆然想見其人李太白集

當塗縣志

王翀霄繁昌人雅志林壑不樂仕進貞元間築室馬仁山講學

從遊甚眾後徙龍首峯西旁有洗硯池時有李暈者稱白之後

裔與王翀霄陳商講究性理亦築室馬仁山高尙不仕江南通志

昌縣志

王居巖當塗人曾官驍騎衛長史棄官居青山楊行密據淮南

使人以兵迫起之居巖散遣家人以一身歸行密一日行密大

會失居巖急使人至其廬則虛矣一統志十國春秋本傳

宋韋許字深道蕪湖人志尙冲潔讀書通大義不事科舉築室

榜曰獨樂蘇軾黃庭堅皆與游元符中軾等貶逐雖親密不相

聞許獨承接款曲且周其急士大夫多之高宗欲命以官許拜

命而不署銜自號蕪陰居士一統志

方汝疆字南夫繁昌人紹興庚辰進士不樂仕進放懷詩酒游

學於江湖間太平府志

魚潛字德昭當塗人工詩有名隱居不出養鵝鴨以自給江南通志

元黃禮字文敏蕪湖人以舉人為書院山長明初徵授龍游縣

主簿以疾歸著有邇言集十卷太平府志

蔣子成當塗人徜徉溪谷採藥吟詩以逸民終江南通志

朱文正字敏中蕪湖人嘗為河口鎮巡檢有政聲洪武初築室

荆山署其居曰懷玉登峯鼓楫惟意所適太平府志

明祖雋字遠志當塗人永樂中徵修大典當得官辭歸放懷詩

酒翛然自適著有丹湖集江南通志

戴綬字民信當塗人有孝行工古文以薦授和州學正辭不就

葺采石書院授徒以終江南通志

王繼字道承蕪湖人殫力明經廬邑南孤山隱居不出慕康節

為人亦名其詩曰擊壤集江南通志

陶子樂字和鳴號霞冠道人蕪湖人隱居東皋不求聞達箠冠

鳩杖瀟灑出塵年九十餘卒江南通志

葛天裔字仍民蕪湖人髫齡通經史謝絕進取居山林著書學

道明亡自趨入江有魚舟救之遯跡廬山而卒太平府志

方一貫字魯民繁昌人少為諸生與徐士毅稱二俊後卜居馬

仁山棄衣巾四十年不入城市戒子孫務農毋庸以讀書干進

年百歲卒太平府志

方名台字三階繁昌人天啟時副榜明亡隱居於磻山杜門謝

客精研易理著述甚多尤工墨妙號一峯山人太平府志

郝一楷字心型繁昌人天啟丁卯舉人父歿哀毀放廢絕意進

取後遂閉門隱跡道巾野服與童豎樵牧狎遊於山水間太平府志

沈士尊字天士蕪湖人士柱弟也復社起士尊以名家子與江

西章羅諸公頡頏士柱死遂誅茅河上委跡巖阿未幾卒太平府志

吳昌祚字又文當塗選貢郡遭兵燹妻以烈死身亦被創幾殆

遂棄舉業斗室容膝閉戶高吟不與世事太平府志

吳時舉字熙伯當塗人博學工文嘗遊學白鹿洞有年歸從焦

竑等倡明濂洛之傳高志潔身不干仕進著有掃花尋徑等集

其餘訓三百餘言施閩章篴重光稱其語語真詮如馬援柳玘

之訓太平府志

郭登名字仲庸當塗人明末謁選得兵馬司指揮卽謝歸放懷

高尚築別業建小樓一編一壺觴咏終日八十餘卒太平府志

王運泰字開儒當塗人善詩古文詞兼工行楷充歲貢舉以讓

人野服徜徉曳杖山水間蕭然自得太平府志

國朝戚嘉縉字公佩蕪湖人先世多不事於名至嘉縉尤操致高

曠但以琴尊自娛聚法書名畫為珍玩事母至孝人無閒言所

著有竹樾集太平府志

陶維熊字太占蕪湖人淡泊養素篤志淹雅草舍三五環以短

籬顏其齋曰容膝同邑奚自字公石淹貫經史淡於名利儲書

萬卷抱膝長吟所著有柳村集兄藩亦高雅能詩太平府志

胡潛繁昌人嗜學有志節不事榮利而性好締交大江南北裒

屐相訪後遊宜興愛其山水遂家焉儲同人欣為之立傳太平府志

徐之程字伴樵繁昌人隱居峨鎮放浪詩酒閒著有柳溪草堂

詩集太平府志

薛宗坤當塗庠生博通諸經尤邃於易居北鄉丁村非應試不

入城里人稱為孝子其孝行事逸無考當塗縣志以下新修

金玠字鐵蕉當塗人耿介工書畫知名一時屢卻當道徵聘讀

書橫望山以布衣終當塗縣志

廬州府

唐糝潭漁者當楊行密為廬州八營都巡警憩於江岸漁者鼓

舟直前餽魚數頭曰此猶公子孫鱗次而霸也行密異之遺以

物不顧而去江淮異人錄

宋葛化龍字雲升合肥人以策論登文科宋亡不仕元行中書

省昂吉以左丞宣慰准右聞其名屢造門訂交化龍勸以布惠

安民邀之出不應隱居湖右寄跡漁樵子忠性純粹補學職廬州府志

府志

元葛聞孫字景元合肥人早喪父事母至孝嘗出為州文學既

而曰此非養志之道遂歸力耕養母結環翠山房以延來學執

政薦其學行召為翰林辭不赴及卒余闕表其墓一統志

吳志淳字主一無為人工草隸優於文學元末以蔭歷靖安都

昌二縣主簿元亡遂不仕有我已誅茅成小隱欲尋支遯到烟

蘿之句一統志

朱可與舒城人好學博覽尤通尚書慕古高士風不求仕進隱

居教授著聞當時一統志

明方自勉字聖修合肥人性嚴毅不苟然諾里人比之王彥方

隱居湖濱以古學教授江南通志

李澹然字公永合肥人棄舉業喜讀莊騷楞嚴創一亭吟嘯其

中顏之曰楓亭故魏伯陽煉丹處也所著有曠園集隱居集黃

重修安微通志 卷三十一 人物志 隱逸 九

葉菴詩

廬州府志

宛臬字彥昭廬江人讀書通世務尤好施予高蹈山林不樂仕

進行誼為眾所推

江南通志

楊首春字元之舒城人編茅成屋匿影空山每與人講論聽者

忘倦有司往物色之已挂瓢逝

江南通志

濮師堯字懷唐舒城人布衣徒步淡然自足性仁厚博濟活人

甚多子中玉成進士居官有稱

廬州府志

楊大濂字潔甫無為人高雅恬退耿定向疏薦之不就衣敝履

穿灑然自適著有詠史詩

江南通志

徐少遊字勉之無為人放情泉石構瀾溪草堂吟詠其中不入

城市自號放牛山人著飯牛集

廬州府志

鍾濟字海源無為人守義端嚴平生未嘗一接長吏舍後築一

園臨江面山以詩酒終身同邑張綸字淮浦著有林泉隨筆亦

隱君子也

江南通志廬州府志

李懋修合肥人崇禎初歲貢凡邑中公事有未協者遇事敢言

曾歷真陽教諭明亡隱於北阜

廬州府志

朱岳無為人博通經史長吟咏而意不可一世嘗舉懷才抱德

不就自號隱求子同州張轍字良濟絕意科名厭居城市卜築

陽山顏之曰孤臺有孤臺小稿又季友賢者郡庠生淹貫經史

兼精六壬嘗佐史可法幕後歸隱於黃山

廬州府志

丁最字文選無為人善吟咏不樂仕進所著有槃澗集同州董

全字子異亦隱居不仕與丁最為莫逆交

廬州府志

劉廷展字孟長無為人崇禎壬午舉人明亡築室東皋種花蒔

竹有薦之者堅以疾辭同州林若俊字振夫鼎革後棄諸生隱

居東野不入城市

廬州府志

吳爾康字又人無為歲貢慟父默以罵賊死遂棄去隱居城南

萇溪所著有萇溪集同州劉從周字憲明天啟時感憤逆璫專

橫不入場屋明亡棄諸生晦跡益深野服終老又錢若愚者字

智叟早歲補諸生明亡棄去徜徉山水著有楚墅吟

廬州府志

陸品字居一無為人少豪俊肄業南雍性好客過從皆佳士清

談竟日繼以詩酒後乃屏居手自藝植著有放言集同州朱智

字子固明亡棄舉業放情邱壑與品及吳爾康唱和著有北樵

集

廬州府志

國朝郭尚友字千人舒城人少業儒屢試不遇乃棄去移居合肥

之星月城讀書飲酒躬耕自給暇則種花栽竹散步行吟自號

野樵子

廬州府志

蔡梅字鶴招無為人家貧好學不求仕進所著有風滿樓草及

嶧山桐諸集同州呂貞字正也補諸生旋棄去所著有所思集

又有郭維清者字雲九絕意進取嗜學工詩至老不倦所居桑

者軒竹樹四圍望而知為高人宅焉

廬州府志

楊林字綺南合肥庠生過目成誦而不喜舉業閉戶著書不履

城市著有臥雲集萬松樓集

廬州府志

曹大復字賓魯巢縣人明諸生端行好學年七十慨然去鄉邑

或遇之白石山禪林中不交一言而去計其壽已百三歲矣後

竟不知所之

一統志以上舊志

王世珍合肥人精易數嘗絕糧有餽酒食者未至輒先知之苟

非其人忍饑不受也道光辛丑廣東疆臣檄赴軍中不就曰野

人將就木矣越數月無疾而卒

合肥縣志新修

鳳陽府

漢桓嚴

東觀記作礪

字文林沛郡龍亢人鸞之子也幼有志介姑為

楊賜夫人鸞卒姑赴弔整飾從者而入嚴心非之及姑勞問終

無所言號哭而已賜遣吏奉祠因縣發取祠具拒不受後至京

師未嘗舍宿楊氏舉孝廉有道方正茂才三公並辟皆不應初

平中天下亂避地會稽遂浮海客交趾越人化其節至閩里不

爭訟

後漢書桓榮傳

晉劉伶字伯倫沛國人澹默少言不妄交遊嘗乘鹿車攜一壺

酒使人荷鍤隨之曰死便埋我雖陶兀昏放而機應不差

裴松之三

國志注

元王宗岳字良佐臨淮人性厭俗學講求性道人勸之仕輒不

應學者稱為養高先生

江南通志

楊省字治卿定遠人不樂仕進以書史自娛嘗遊三峯青韭諸

山遇佳處輒為題咏

江南通志

明盛世鳴字太古鳳陽人傲儻有蘊藉嗜古文奇字嘗寓泗州

隱於卜無錫孫少宰繼高聞其詩薦之葉相國向高公卿皆愛

而容之世鳴意不憚退而隱居所著有空谷居士集

江南通志

陳廷玉臨淮人性恬淡博學能詩文動循禮度隱居濠濱有司

累薦不出

江南通志

許鵬字廷舉定遠人少負氣節以賢良方正薦至京師陳時務

語多過直乃於策尾作詩自陳己志不願入選歸隱城南種竹

萬竿因號竹莊以耕讀自娛著有竹莊集

江南通志

姚匡字舜用定遠人性敏過目成誦家貧授徒不慕榮利大學

士謝遷與其父有舊使人召之匡固辭不起

江南通志

趙萃一字魁北壽州人養親至孝資敏而好學隱居山中講明
易理終身不出江南通志

孫光啟靈璧人崇禎末以歲貢任興化教諭

大兵南下入興化光啟投泮水輿夫救之掖以見帥欲官之不受

乃放歸隱居不入城市年九十猶訓蒙餬口縣欲請為鄉賓亦

不肯就江南通志 靈璧縣志

馬孫鳴靈璧人少穎悟過目成誦明亡無意進取棄諸生聚徒

講學所著有中說星考同邑劉時曾為建平訓導其學與孫鳴

同稱靈璧縣志

方震鼎字調之壽州人震孺之從弟也震孺遭誣被逮鼎變產

調護明亡託跡空門隱於金陵震孺之弟震仲曾以貢官縣州

知州震孺得釋回里崇禎八年流賊躡正陽關震仲出資借震

孺守禦其族人方大耀方之珍姻黨李百順等各出糧餉助軍

壽州得全眾之力也震孺卒震仲亦不復仕劉鍾英守城紀事 鳳臺縣志

方維馨字蘊羞震孺之子也州廩生工詩賦以保舉授瑞金縣

知縣未赴任隨父之任廣西震孺以憂憤卒攜其幼子蹈海以

終鳳臺縣志

王國光字仲觀懷遠人沈潛理學魏璫流毒折辱士林遂棄舉

子業構屋渦濱顏曰片舫隱居不出懷遠縣志

常廷齡懷遠人開平王遇春裔孫南京錦衣衛世指揮使襲封

懷遠侯崇禎十六年全楚淪陷請統京兵赴九江協守帝嘉之

不果行明亡不出身自灌園蕭然布衣終老明史常遇春傳

唐亮字寅工懷遠人與其鄉人秦偉人沈健翮皆以詩鳴性癖

嗜酒慷慨悲歌往往有麥秀黍離之感有芥子堂詩鈔一卷懷遠

縣志

李引年壽州庠生明末當貢不就鍵戶著書每朔望集其鄉人以先聖哲言勸化人推敬之鳳陽縣志

國朝張翀字健翮鳳陽人絕意進取茅屋數椽書一架外別無長

物惟耽花竹號所居曰竹鳴閉戶讀書士大夫欲一見不可得

所著有竹鳴集增訂禽譜菜譜數種年至八十餘卒鳳陽縣志

周廷棟字豫章宿州人博學多聞性理子史諸書無不精研工

詞賦書宗二王隱居不仕江南通志以上舊志

穎州府

晉戴逵字安道譙國人少博學好談論善屬文能鼓琴太宰武

陵王晞聞其善鼓琴召之逵對使者破琴曰戴安道不為王門

伶人後徙居會稽剡縣常以禮度自處深以放達為非乃著論

以明之孝武帝時累徵不就王珣為尚書復上疏請徵亦不至

長子勃有父風義熙初徵之不起晉書本傳

宋戴仲若逵之次子也與兄勃遊於桐廬勃卒徙居吳下吳人

其為築室聚石引水植林開澗有若自然乃述莊周大旨著逍

遙論及禮記中庸篇元嘉中徵之不就後張邵迎之至京口黃

鵠山有竹林精舍林澗甚美文帝每欲見之謂黃門侍郎張敷

曰吾東巡之日當宴戴公山下也南史本傳

唐張彪穎上人遭亂奉老母避地隱居嵩山時與杜甫往還杜

有寄張十二山人云靜者心多妙先生藝絕倫觀此可以知其

人矣唐才子傳

明李鸞霍邱人制行端方闡明聖賢之道隱居教授一時秀彥

多出其門穎州府志

徐揆方字惟適潁州人讀書能強記人於古事有忘者質之即指曰在某書某冊某頁檢之信然郡縣官吏有來訪者輒踰垣

逝去潁州府志

顧爾言字信父亳州人博學善文以貢入都廷試一等告歸絕意仕進嘗曰人苦不知足吾有田給饗殮有室蔽風雨彈琴種竹課子讀書此外復何求耶潁州府志

周貞霍邱人恬淡無求放跡山水嘗曰人生貴適志耳苟凝滯於物圭組山林隨在皆桎梏也同邑王冕亦不慕榮利持己接物皆以古道自處又有庠生周允恭及田九賦者皆不求榮利有託而逃又吳士升太和人皓首窮經衡泌如故人以夷惠目之江南舊通志潁州府志

周允升字四方霍邱選貢明末寇亂邑人驚竄獨坐茅屋中揮

絃晏如一寇聞琴聲免胄入謁允升略不經意寇趨出戒其下

曰此高士盧慎勿犯以箭識其門而去潁州府志

徐履方字孟簡潁州人屏絕人事布衣草履挾書一卷酒一餅

坐臥茂林修竹閒看花聽鳥自樂而已卒年八十餘潁州府志

王清臣潁州人明季有張光度者買田潁南一日出游見耕而

歌者聽之皆杜詩也遂就問姓名言向有田不耐徭役盡委之

族為人傭耕過其廬見舊時憲書背皆以煤書自作詩記其述

懷一章云人生如泛梗飄飄殊無根飲啄得幾許營營晨與昏

對此春日好荷鋤出南原近觀草色敷靜聽鳥語繁有身貴適

志窮達安足論亂後不知所終江南通志

張思濬字孟深潁州人以祖父鶴鳴平奢酋功廕錦衣千戶署

南都本衛鎮撫事明亡隱居不仕有薦之者堅辭不應潁州府志

國朝李國章字公憲蒙城人以貢授太湖訓導不赴埽榻吟咏儵

然若出世外府志

高凌漢霍邱人篤學重道隱居授徒尤了徹性命之理一夕盥

沐更衣坦然而逝潁州府志

潁州

宋雍存全椒人隱居求志以文史自娛號南郭先生以縣有獨

山又號獨山翁州守錢公輔曾肇皆與之遊江南通志

元范思敬全椒人有志操能文章至正初嘗獻治平十二策不

報遂歸隱石子岡之梁莊號棲谷子江南通志

明游炯潁州人通經博覽不求仕進性淳樸有古人風後進多

執經問業者潁州志

吳湘字江筠全椒人工詩文書畫不求仕進嘗輯巢許而下若

千人為尚友編江南舊志

吳良桂字汝芳全椒人少補諸生既而棄去嘗輯古之嘉言懿

行可備省覽者為一編題曰北窗逸史家徒壁立處之晏如邑

令式其廬題額贈之曰淮南真隱江南舊志

駱俊潁州人平居耽味經史不求聞達行義修潔人皆重之著

有靜中自樂詩集江南通志

周廷珮字國珍來安人例當謁選不就耽情田園種菜植果以

自娛性好施予急人之急邑有義舉無不首倡分其產於姪與

子均卒年八十三潁州志

以上舊志

和州

宋何宗英和州人紹興閒以布衣上書言敵必渝盟宜先事為

備請幸建康以張國勢不報遂隱居以終士論高之萬姓統譜

張同之字野夫和州人以進士爲部使者至舒州游浮山悅之
遂棄官棲隱得修煉術今張公巖遺蹟猶存安慶府志 舊志
安慶府流寓 新

張祁歷陽人子孝祥廷對第一祁晚年卜居蕪湖昇仙橋西築
堂曰歸去來觴詠自適所居池多蛙卽以硯擲之蛙聲遂息至

今名其池曰禁蛙

一統志 舊志太
平府流寓 新移

王德良字秉彝和州人鉤經索史智識過人間徜徉山水見巖
姿川容網緼獻狀情思炯炯然曰精聚神會吾殆與之無間豈
古人所謂烟霞痼疾也耶勸之仕笑不答僑居金華建藥區市
中蓄善藥以賑人急甚寡者不受其直由是樂善之稱聞四方
秉彝曰是善名我遂以榜其堂宋濂王秉彝傳
浙江通志 新增
元潘子安和州人工詞遨遊海內流寓於楚之沔陽有海天清

嘯集行世

和州志引
泗陽志

明杜浩字守彝和州人洪武初居南葵村力學篤行安貧不仕

江南
通志

楊先字古野和州人少補諸生卽棄去隨伯父瑞之任武城武
城多金石遺文遂殫精字學以書名後又隨任建甯爲朱子闕
里乃盡棄俗學耽心性理性本孤僻達官貴人乞其書輒掉臂
去生二子教之力田讀書終身不許入公府饘粥不繼吟嘯自

如和州
志

張應元字仁甫和州人嘗從焦竑等遊微言名理深入其室後
棄諸生號裕溪漁隱所著作譜志詩文輯錄數十卷江南舊
通志

陳善字孟嘗和州人事親以孝聞母罹寇難哀毀不欲生時將
貢棄去隱居以終和州
志

唐名鴻字情符含山人明亡棄諸生隱蒼山有欲援之者束之以詩曰逢人莫說興亡事召我難回鐵石心平生最愛蒼山好今日蒼山深更深含山縣志

成其德字君實和州人性至孝讀書不干仕進但以承顏養志為務柏鄉魏冢宰裔介為立傳和州志

魯懋聲字有夫和州人寇難被創合家殉難遂棄諸生絕意進取惟以經史自娛和州志

張宏開字文伯和州人元槓子也弱冠有文名與楊維斗等交善元槓殉難伏闕上書請諡士論嘉之南都覆棄諸生隱居白洋宣城施愚山為序其事和州志

宋張介廣德人紹興中隱居城北不干榮進郡守張諤慕其名

訪以政要嘗欲疏其學行薦於朝固辭不就江南通志

趙平叔廣德人咸淳中隱居城西琴山側樂松竹泉石之勝構一樓以縱眺吟咏自適題曰萬山樓江南通志

元湯志真廣德人隱居求志行式鄉閭明錢用壬出其門其學皆志真所造就也廣德州志

盧志賢廣德人至元中隱居不出清修高節一時稱重江南通志

明甯時字際之廣德人受業於宣城沈壽民沈稱之曰甯子博其學無所不函抑其才一求諸道隱居義蒼山中著有尚書洪範解論語口授講義屈辭疏指諸書廣德州志

張榜字子賢廣德人性孝友親喪廬墓處家尺帛不自私隱居青石山吟咏終老廣德州志

呂仲修字祖生建平諸生崇禎庚辰廷試特賜進士授樂安知

縣道梗不能赴遂歸隱居不仕廣德州志

國朝戈琮字耦蒼廣德人澹於進取足跡不入城市人敬憚之著

有見山樓詩集廣德州志以上舊志

六安州

晉何準字幼道廬江潯人高尚寡欲弱冠知名州府交辟並不

就兄充為驃騎將軍勸其仕準曰第五之名何減驃騎準兄弟

中第五故有此言充居宰輔而準散帶衡門不及人事徵拜散

騎郎不起晉書本傳

杜夷廬江潯人懷帝時刺史王敦舉為方正偏赴洛夷遯於壽

陽鎮東將軍周馥傾心禮接自詣夷為起屋宇馥敗夷歸舊第

一統志舊志鳳陽府流寓新移

宋何求字子有偃弟鑠之子也元嘉末歷太子洗馬丹陽郡丞

清退無嗜慾後為太子中舍人泰始中除中書郎不拜又除永

嘉太守一夜忽乘小船逃歸吳隱武邱山齊永明四年拜大中

大夫不就南史何尚之傳

何點字子皙求之弟也年十一居父母憂幾至滅性求卒點菜

食不飲酒三年宋太始末徵為太子洗馬齊初累徵中書侍郎

太子中庶子並不就豫章王嶷命駕造點點從後門遯去梁武

帝與點有舊既即位徵為侍中點將帝鬚曰乃欲臣老子不起

初褚淵王儉自宋入齊為宰相點謂人曰我作齊書已竟贊云

淵既世族儉亦國華不賴舅氏遑恤國家王儉聞之欲候點知

不可乃止南史何尚之傳

齊何子季點之弟也年八歲居憂毀若成人師事劉瓛受易及

禮記毛詩仕齊為建安太守政有恩信人不忍欺每伏臘放囚

還家依期而返歷位至中書令拜表解職居若邪山雲門寺初

二兄求點並棲遯求先卒至是子季又隱世號點為大山子季

為小山謂之何氏三高永元中徵為太常太子詹事並不就梁

武帝即位詔徵為特進光祿大夫不起有敕給白衣尚書祿不

受卒年八十六著書甚富子撰亦不仕有高風南史何尚之傳

明康持字敬夫六安人自幼嗜學不求仕進六安州志

張崇能英山人性孝友工吟咏隱居清溪不求榮利同州蔣宗

成化中貢生授蘄州判不樂仕進歸隱講學以終其身江南舊通志

六安州志

熊應隆字道隆霍山貢生通五經三史新安許國極推重之不

求仕進隱居南山以著述為事卒年八十著有四書五經南華

經陰符經解六安州志

朱一莊字克疆六安歲貢博通經史潛心理學隱居不仕歐陽

德為作樂道堂記同州何璐字良玉清介不苟亦以歲貢樂道

不仕六安州志

楊行達字達可六安人崇禎中選貢明亡謝絕人事隱居著書

弟行孚亦應貢不就簿冠芒鞋行吟自適六安州志

段一定英山人性孝友當喪亂後族中子女流離失所者皆出

資為安輯之閉戶教授不與世事三十年如一日江南通志六安州志

余有珩字行玉英山貢生通象緯崇禎中知世將亂隱居天化

坪需次當授教職避不就卒年八十六安州志

吳中望霍山人有聲藝苑後乃結廬天柱之南以揮毫染翰自

娛同邑林宣錢朝選皆博學工詩不求聞達名重一時六安州志

上舊志

國朝夏日長字龍門六安人博覽羣籍嗜詩酒尤工書書成輒毀去閒有得其完紙者攜至都門大學士劉墉極贊歎數以縑素寄州守屬日長書竟不一報六安州志新修

泗州

隋趙徵君泗州人失其名讀書璧山隱居不仕鄉人於遺址建

璧山書院祀之江南通志

明李公度字思貞泗州人弱冠領鄉薦勸之仕不應部使者以

國子博士薦不就江南通志

張時榮五河人嘉靖閒歲貢例當得教職榮曰吾安能折腰後

生輩耶遂不仕閉門著述尤工書法在鍾顏之閒五河縣志

石應瑞字兆生天長人家貧孝友授經以養父母崇禎己卯中副榜例當仕不就置一廬雲水閒讀書自樂時比之仲長統云

江南通志

李公孝泗州人以貢授如皋教諭甫數月即告歸林居樂道年

八十五卒人稱樵野先生同州高尙志以舉人知濰縣亦早賦

歸清貧自適有五柳之風泗州志

鄭輔盱眙人隱居城東自食其力又有李大方陳職陳卜趙師

賢者皆以隱稱盱眙縣志

國朝陳歌泰字古彈天長人順治戊子拔貢恬退不仕講學修行

鄉人皆為感化江南通志以上舊志

晉韓友字景先廬江舒人受易於會稽伍振善占卜能圖宅相
冢亦行京費厭勝之術神效甚多消殃轉禍無不皆驗干寶問
其故友曰筮卜用五行相生殺如按方投藥治病以冷熱相就
其差與不差不可必也友以元康五年舉賢良元帝渡江以為
廣武將軍永嘉末卒

晉書本傳 廬州府 舊志 新移

明何公冕潛山人遇異人授符籙習之能呼風雨役鬼神會歲
旱郡守呼令祈雨公冕對役笑曰吾非汝可呼者但汝往來烈
日良苦吾書符汝手令握固馳府即有片雲覆頭上役至守怒
術士不來役告以故令開掌則雷電交作莫不驚懼守躬往迎
之公冕曰上帝封兩部當暫取揚子江水解熱澤及五十里耳
移時大雨如注雜魚鰕齊下

江南通志

王文正桐城人年七歲得道書依科法試之忽有神至問見召

何事文正倉卒指庭樹曰為我移植門外頃刻樹移自是能役
鬼神呼風雨後禱雨皖城有道人亦禱於池口文正招雲過皖
道人曰皖有異人權席渡江訪之文正浮磨以迎諮論竟日臨
別道人以三指拊文正背少頃背痛有三銅釘入骨文正用糞
自覆圍火以煉戒家人曰七日勿啟可活至五日家人啟視釘
已出三寸許文正嘆曰命數乃爾遂死

安慶府志

史仲宏桐城人少習形家言遇異人以青鳥祕訣授之遂臻其
妙曾卜投子山陡嶺一穴法當大貴於除夜行衢巷暗聽之有
機杼聲讀書聲嬰兒聲者即授之惟方得益家兼此即以畀之
而為之卜三峰山葬三十年科甲蟬聯不絕

江南通志 安慶府志

張達泉懷甯人精醫得異授顏銓部渾為兒時出痘已死達泉
視之曰未死也急掘地作坑置兒其中取新水數桶用紙蘸之

重貼身上少頃有細煙起兒微動達泉喜曰生矣復水沃之氣蓬蓬上蒸大啼數聲即取起再進以藥不數日愈

江南通志

方政字以仁望江人以醫著名景泰間召入太醫院

望江縣志

周公穆桐城人幼見其父與人弈不勝心怏怏乃畫紙為局張臥榻上仰而思之忽請於父曰幸呼前弈者來兒當勝之父以為謾也姑試之果連勝弈者曰是兒他日當為國手後果以絕技名公穆修潔淡漠雖日與貴者遊不干以私非僅藝士也後有齊子山者從吳瑞徵學弈一年盡其術公卿皆重之

江南通志 志 慶府

江錕字淡然望江人工書邑之祠廟扁額多出其手識者謂不減張瑞圖

望江縣志

國朝陳延字遐伯潛山人幼多慧凡技之善者見即摹倣酷肖尤

精篆刻延折右手一切書畫皆用左腕與蕭雲從稱畫苑二妙

著有孤竹詩集

江南通志

陳文楓字宸甫懷甯人工醫決死生百不一失尤精於傷寒能

窺仲景之奧

安慶府志

李嘉應字元長望江人以醫濟人口不言謝康熙時選入太醫

院升吏目同邑劉長啟世業醫尤善治痘捐金施藥人多德之

望江縣志

嚴宮方字則菴桐城人徧窺方書營衛虛實辨析微茫尤善治

奇病多人所不解者

江南通志

李憲字長康桐城人脫略不羈弱冠棄舉業攻唐人詩書法二

王出入於唐宋元明自成一家畫品平淡高遠歷遊名山所學

益進人以爲追蹤荆關云

安慶府志

楊磊字嘉玉桐城人兄森博極羣書名公鉅卿交辟之磊學行精通尤邃醫理活人無算與嚴宮方齊名江南通志

吳龍字善疆望江人幼攻舉業棄去究心岐黃不言謝不市德兼善水墨有索之者先飲酒數甌則山水花卉意到筆隨雖專門名家為之讓步望江縣志

胡澍字雨山懷甯歲貢工畫山水善長嘯聲如鸞鳳人以為不減蘇門云子大美字粹然亦歲貢能文章以畫世其家同時何龍字禹門山水清峭簡古與澍齊名懷甯縣志

方峻桐城人善岐黃其治病嘗有未投藥一診而愈者病者聞鬼言避其正直云桐城縣志

王增字顛如能書頗得董文敏意每為人作書忽投筆大慟問之則曰吾偶憶吾母性嗜酒人以酒誘之則書否則投以金錢

不屑也懷甯縣志

嚴顛桐城諸生祖大鵬輯十三科參互對勘世服其精當顛世其業著有雜證一貫女科心會虛損元機非風條辯諸書桐城縣志

葛啟俊字中谷懷甯人安貧力學鈔纂六經四書典義居父母喪泣血盲一目學醫察色知病處方輒效善六壬占甚驗懷甯縣志

葉棠字松亭桐城人篤志力學凡天文地輿算數無不得其精蘊著有渾天恆星赤道全圖天元一術圖說數理闡微句股論桐城縣志

柳周南潛山人善鍼法有婦人腹蠱垂死周南診曰此蛇瘕也鍼之產蛇長尺許而愈潛山縣志

徽州府

南唐汪少微歙州人善作硯嘗於吳順義元年譔歙硯銘云松
操凝烟楮英鋪雪毫穎如飛人間四絕至元宗精意翰墨郡守
薦之擢硯官十國春秋本傳

李廷珪易水人本姓奚父超唐末渡江遷居歙州工造墨廷珪
傳其業李後主賜姓李有誤遺一丸於池中既踰月偶墮金器

令善泅者取之並得墨其光不變自是多知寶藏云自李氏外
善造墨者又有耿文政耿文壽盛通盛真諸人輟耕錄十國春秋本傳

朱逢歙州人韓熙載命之造墨名其所以曰化松堂墨曰元中子
又名麝香月寶而藏之南唐拾遺志

宋潘谷歙縣人造墨精妙或不持錢求墨不計多少與之一日
忽取墨券焚之飲酒三日發狂浪走趨井死人下視之跌坐井

中手持念珠云蘇子瞻嘗作詩贈之徽州府志

張擴字子克歙縣人精醫能以太素知人貴賤禍福南陵有富
人子傷寒氣息僅存不省人事擴曰此嗜臥證也後三日當蘇

蘇當欲飲飲則與此藥必熟睡覺當得汗而愈已而果然江南通志

程惟象婺源人以占算遊京師言人貴賤禍福如神英宗在潛
邸時惟象預言其兆既貴得賜書王安石梅堯臣皆有詩贈之

董元善婺源人精卜筮子平諸術嘗決程泌必過兩府乃未過
府而卒或戲其語不驗元善奮然曰雖死亦當過府果累贈端

明殿學士得執政恩例徽州府志

張杲歙縣人有醫說十卷行世凡分二十七門祕方奧旨靡不
備述四庫全書提要

游克敬婺源人精形家言謂狐首經為地理之祖為之箋釋族孫朝宗字元禮得其傳明永樂初應詔卜天壽山陵優賜還山

徽州府志

江嘉字明遠婺源人邑大疫縣令李子思夢神告曰吾避江君病者愈矣理宗不豫召至進藥遂安欲官之不受初有取鶴巢二卵者嘉買之歸於巢已微傷矣已而雛生鶴銜一草置藥局嘉見其紅藤纏繞根葉俱潤乃栽之及寶祐閒有公主得漏胎疾嘉以藤和劑進而愈

江南通志

吳源休甯人以薦至翰林醫官治疾奇中

江南通志

程約字孟博婺源人精鍼法太守韓瑗疾同邑馬荀仲鍼其右脇半入而鍼折荀仲失色曰非孟博不可約至鍼其左脇而右脇折鍼出遂愈馬荀仲亦名醫辛棄疾嘗贈之詞又程汝清者

著醫方圖說

徽州府志

元范天錫字壽朋休甯人診脈決死生為郡邑最又徐存誠者

祁門人善醫蓄藥救人

江南通志

戴仲德績溪人善畫嘗寫馬於驛旁古壁馬見之皆辟易同邑

程政善畫人物山水花草翎毛

徽州府志

鮑同仁歙縣人曾官會昌同知善鍼砭有通元指要二賦注及

經驗鍼法

徽州府志

明汪梧婺源人精太素脈斷人休咎無爽

徽州府志

江仕從婺源人永樂中應詔卜天壽山陵與游朝宗同受褒賞

徽州府志

程璉歙縣人診脈知富貴貧賤壽夭所著有太素脈訣經驗考同邑陸彥功成化中召入太醫院治中宮疾即愈賜冠帶所著

有傷寒便覽徽州府志

汪機祁門諸生因母病究心於醫後乃無不奇中所著有石山

醫案醫學原理本草會編素問鈔脈訣刊誤外科理例痘治理

辨鍼灸問對傷寒選錄運氣易覽等書人稱石山先生江南通志

州府志

黃古潭黟縣人少業儒家貧棄而學醫師事祁門汪機治病每

有超見如脇痛皮膚紅腫醫用瀉肝舒鬱之劑不效黃以瓜萸

一枚治之即愈如婦人鬱結經閉諸醫皆云有孕黃治以補肺

瀉肝之劑而愈此二條其門人休甯孫一奎所述即著赤水元

珠醫旨緒餘之生生子也黟縣志

汪副護字天相休甯人祖東垣老人專以培養元氣為主因自

號培元著有試效集成等書性喜施予出賣藥金建亭通衢以

憇行者江南通志

程玠字文玉歙縣人成化甲辰進士嘗出遊遇喪車見有血從

棺中出以指染而嗅之叱曰止眾駭曰棺中人未死也其家謂

玠疑有冤泣告曰此吾婦不幸朝暝君無疑玠笑曰非汝所知

也其家從其言止觀啟棺玠以鍼刺胸婦忽能言家人悲喜觀

者歡聲如沸又能造木牛流馬築室夜戶不閉盜不能入臨歿

盡毀其書曰此恐誤人邱文莊濬為之行狀稱為一代異人所

著惟大定數太素脈訣松崖醫徑行世徽州府志

江時途字正甫婺源人初善病徧閱方書得遇異人談方術自

是通悟名著郡邑著有醫學原理三十卷丹谿發明五卷爭傳

誦焉徽州府志

饒進祁門人診人生死無不驗嘗遇一無疾者戲令之診驚曰

明日當死次日向午攘袂而來曰汝何術乃妄語進曰據法不

爽其人恚恨去未抵家死於虎同邑汪宦陳嘉謨皆精醫陳有

本草蒙詮汪有醫學質疑皆行於世又有徐春甫者幼師汪宦

程宗默黟縣人嘉靖初讀書天尊觀晤羽士從入終南後十年

遣歸與書一卷下山視其書皆方藥宗默摘其中害物命者棄

之病痼請治者著手即愈黟縣志王璵祁門人不泥古方嘉靖閒皇子病劇諸醫不效有薦璵者

一服而愈立授太醫院徽州府志游遲婺源人精青烏術婺源縣治公署皆其所定同邑汪朝邦

工醫著有方書集說尤精形家言得吉穴葬親自云葬後當有

顯者越一紀孫尚誼生曰此子應三品秩但算促耳後成進士

官按察使早卒徽州府志

葉瓊婺源人龍尾硯自元兵亂後硯材難得瓊巧悟天授數得

異材於殘石堆中製作精妙徽州府志方音字舜和歙縣人喜禁方嘗賈江淮見一書生名孫一松困

幾死音解囊贈之後遇諸越邀至家酬以金不受乃出祕方授

之音術自是入神徽州府志吳文獻字三石婺源人邑諸生殫精百家醫學及素問等書著

有三石醫教藥性標本徽州府志吳楚休甯人善草書製墨得李廷珪法文徵明嘗記其墨法為

神品徽州府志邵龍字雲窩休甯人工山水人物得唐宋名人法同邑陳有寓

善畫仙姬山水而雲烟尤為絕技又程達歙縣人人物山水能

重刊後進志卷之三十一
盡六法徽州府志

洪珣歙縣人幼孤家貧拾薪養母初習舉業後以母病習醫尤長外科多起奇證著有外科祕要徽州府志

丁雲鵬字南羽休甯人家自宋世業醫至父瓚術尤奇妙兼工書畫雲鵬盡得其傳遂以畫名海內人以比李龍眠尤精佛像得其片紙珍為奇玩江南舊志兼探汪道昆所立傳

汪龍字潛夫休甯人少時父客死母告之狀時時號泣目遂盲年十五遇異人以卜筮授之時倭患起督府聘至軍中每出兵剋時日勝敗多奇中尙書顧可學以名上聞命趣入朝不肯應徽州府志

李赤肚黟縣人得異術張其肚皮可蒸餅炙酒詰其故答曰五行人所自有不必取之於外後不知所終徽州府志

汪肇字德初休甯人善畫翎毛自謂其筆意飄飄若海雲自號曰海雲當事欲見之輒不往及遇山人墨客則欣然揮毫有膂力能持矛舞劍遇酒以鼻飲嘗誤附賊舟賊不敢害以酒進之肇乃為象飲以自豪遂得脫江南舊志汪肇徽州府志

劉然字季然歙縣人善行楷書同邑楊明時字不棄工詩辭書畫又有方元煥者善書名噪一時吳羽者善寫佛像山水花鳥氣韻生動江南通志徽州府志

胡慶龍婺源人工醫於內經素問諸方書盡挾其祕尤精於色脈卜人休咎往往妙中北遊遼薊適朝鮮告急以醫濟隨征將士屢奏奇效總督欲授以官不受徽州府志

詹希賢休甯人善篆隸諸體著書筌極論書法四方多師之曾官江西檢校子萬里亦善書徽州府志

何震號雪漁休甯人工金石篆刻海內圖書出其手者爭傳寶
之生平不刻佳石及鐫人氏號故至今流傳者尚不乏云印人傳

徽州府志

王寅歙縣人工書嘗遊甯國府園亭池館多其榜額甯國府志
甯國府志

甯國府志

汪都字瀛海婺源人曾官吏目工書畫文詞而畫尤為絕技晚
年以雙筯代筆山水人物點染頗佳所著有擬古詩早朝詩銅

錢賦徽州府志

潘巒字碧井婺源人經緯象數及書畫皆窺其奧尤精於音律
嘗受知荆益諸王聘為紀善考古樂章製器聚徒按歌舞頗臻
其妙所著有禮樂志八家行草君臣圖鑑切韻指南子中孚中

邦能世其藝徽州府志

程大中字時卿祁門人工醫及日者術往來池州得異人祕授
後至湖廣賣卜決人生死問者如市李方伯淑延與語奇之時
尚憂無子大中曰公當得佳兒請如夫人輩吾視之誰為貴人
母者方伯出諸姬見之曰皆非也一婢侍側大中睨視呼而診
之曰兒貴必矣方伯納之果生維楨後維楨貴凡事有疑難者
決於大中所著有太素脈要二卷徽州府志

汪徽婺源人詩極壯麗畫山水及書八分俱精妙尤工秦漢圖

章人稱四絕徽州府志

俞可進字于漸婺源人摹鍾王書法酷肖董其昌陳繼儒得其
所書黃庭心經稱為絕品徽州府志

汪繼昌字伯期婺源人工醫尤於治痘有異傳有痘科祕訣行

世徽州府志

吳高節字希夷休甯人小楷行書神似趙吳興與停雲館所摹

趙帖如出一手徽州府志

程衷素字阿白休甯人臨池一筆不苟下能為歐虞顏柳諸體

金太史聲為之立傳徽州府志

胡皋字公邁婺源人工書畫及詩歌古文辭遨遊京師三十餘

年性俠烈欲立功邊陲嘗馳驟宣大甯固諸邊天啟中以技能

詔副將軍趙佑宣撫朝鮮得其字畫詩文如獲異寶既復命將

大用而皋以魏璫方肆虐遂辭歸徽州府志

朱雲成徽州人居六安衣衫藍樓人與之言形家即精形家言

言日者即精日家言人莫能測酒後發狂哭笑亂語其後輒驗

郝進士謁選問之雲成誦曰得仙人之舊館及官新建署內有

亭曰仙人舊館郝尊生少穎異雲成愛之每見必哭曰水仙子

郝竟覆舟彭蠡死崇禎壬午賊圍城令卜之哭曰我在數中後

城陷屠戮殆盡雲成遇害江南通志六安州新移

李永昌休甯人善書畫董其昌甚重之同邑洪墨卿善書徑丈

大字徽州府志

徐有道婺源人善畫鷹鷂之於堂能驚鳥雀江南通志

胡田祁門人善鍼灸為太醫院御醫江南通志

王守誠字心堂徽州人精醫術仁而有品寓居全椒遂家焉起

人沈疴口不言功全椒縣志除州流寓新移

江用卿字君輔婺源人工棋足跡徧天下無能與敵徽州府志

汪時鵠祁門人精醫學傾產施藥救濟甚多祁門縣志新增

胡朝禮黟縣人善相地有女傳其學嫁汪辛辛歿先世多未葬

胡氏歷覽山川獲葬地並建祖祠鑿池所渠消納如法嘉靖中

汪氏丁口數千代有通顯辛之先有曰進者精醫江西疫作藥飲之輒愈又刻其方傳之所活益眾修德獲報理或然也同村戴姓者亦善相地卜遷於太平縣之戴家灣今成著姓

黟縣志新增

國朝詹方桂字天木歙縣人精書畫凡天文風角六壬遯甲星醫諸術悉通曉時四方猶未靖避居松蘿山著有四家小品行世

徽州府志

蘇亦瞻休甯人年十六善弈稱國手著弈藪四卷

徽州府志

胡曰從徽州人客遊六安霍山以醫為業貫穿五經著有尚書孝經講義醫書數種及蘭竹譜

六安州志

舊志六安州流寓新移

許生值字逢吉祁門人父文玠殉節時生值年僅十一後遂不求聞達惟作畫以自娛松石尤妙亦以見節概也弟生倬工詩善書不仕著有晴江稿

祁門縣志

汪昂字詵菴休甯人明諸生順治元年昂年三十二罷制舉專意醫學輯本草備要醫方集解二書相資為用理法全宗古人體裁實為創製康熙三十一年昂年八十始序而刊行其後胡孝峰以二書合刻乾隆四十三年長沙吳世芳又刻之流傳至今

本書序

程敬通歙縣人一診能決人生死並定其歲月無毫髮爽同邑余士冕其父幼白工醫所輯有蒼生司命士冕世其業補訂未備名曰諸證析疑

徽州府志

僧漸江俗姓江氏名舫歙縣人事母孝通五經入闈游武夷遂為僧書法顏魯公畫法倪雲林兼工諸家筆意

畫徵錄徽州府志

汪之瑞休甯人工書畫得古人神髓有王湛若者得其傳擅名揚州

徽州府志

黃楷黟縣人工漢唐隸法與鄭谷口齊名黟縣志

汪濤字山來小字夢龍休甯人工正草篆隸一字方丈徑寸千言鐵筆之妙包羅百家少至楚中貿易偶至一寺見衣冠者十數輩以沙聚地成字徑丈曰岳陽樓濤笑曰是可以墨書也眾驚愕白之郡守延入署煮墨一缸濤以碎布蘸墨書於扁上頃刻而成盡嗟賞不置遂用之徽州府志

詹天寵字君錫婺源人精曉陰陽星緯術數之書尤工書法嘗做朱子墨蹟見者驚嘆其神又善畫花卉無有出其右者徽州府志

程國瑞黟縣人工醫術康熙五十五年入太醫院供奉授御醫官首領黟縣志

余正宗休甯人隱於醫殫精天人性命之旨嘗製參附金石之餌以雜藥不令人知活人無算徽州府志

程遠字穆倩歙縣人精秦漢篆法居金陵天下士大夫爭得一紙以為寶與何雪漁齊名同時休甯劉衛卿亦以篆刻擅名徽州府志

汪圖字將南祁門諸生工楷法尤親王以賓禮延之教書賜有

晉賢風度印祁門縣志鄭瑚祁門人精素問方脈與人診疾投藥立效著有扶嬰錄二

卷祁門縣志程九圭休甯人以六壬占人休咎如響嘗自占一數詫曰是大

凶兆因語其弟曰四月中我當傷額汝以五月死於水至四月屏居不出一日過檐下有雀噪於上瓦墮傷額大駭戒其弟五月不使出戶至六月初弟以為無事出飲於肆忽大雷雨山水瀑漲九圭心動急使人迎之已溺於溝中矣蓋時尙未小暑也

徽州府志

汪志曾字養可婺源人善詩兼百家眾技篆刻奇古與汪徽並稱又能以筋代筆作山水不讓汪都尤工畫竹有得其長幅懸

堂上者燕雀爭來棲紙為撞碎真神品也徽州府志

程伯益字長裕休甯人精幼科童子受病淺深一劑奏功卒年

九十餘徽州府志

史某者黟縣人善鍼灸之術不受一錢貧窶求療者日百數有

延之者須以大廈居之以為男婦就療之所有山左人病鶴膝

幾就木矣求史鍼之史謂之曰是未能粹愈其人願隨之自揚

州渡江歷姑蘇至吳興凡百餘日蹶然而起徽州府志

徐起字仙客歙縣人精六書工摹印江南通志

巴慰祖字雋堂歙縣人候補中書嗜學好古精覈金石文字收

藏既多遂通其藝書畫擅一時歙縣志

江玉字堅甫歙縣副貢官溧水教諭工畫長於花卉歙縣志

周城績溪庠生正直寡言善岐黃治病百不失一績溪縣志

余香黟縣人少穎悟業石工製石簫石篴皆中律上鐫書畫並

有家法人稱絕技黟縣志

韓潤字愚村黟縣人官兵馬司吏目嗜書畫能以指繪山水花

卉兼句摹古法帖惟肖黟縣志

舒元達黟縣人書法得聖教序及懷素筆意老更入神同邑吳

茂附貢生吳震增生韓夢桂俱工書得董文敏筆意流傳片紙

人爭重之黟縣志

方鼎歙縣人家於合肥能治異疾屢試輒效貧不能具藥者施

與無倦廬人稱名醫必曰前有李恆後有方鼎廬州府志 舊

新

汪林芑字萼輝黟縣監生性耽詩畫所居有宋人壘石頗極奇險林芑於其中焚香浣筆未嘗一與外事畫有自然生趣

黟縣志

汪純粹黟縣人善醫著有傷寒論編孝慈備覽遊秦醫案

黟縣志

以上舊志

羅聘字兩峰歙縣人僑居揚州從金冬心學畫入高格重甯寺

畫壁為聘手筆王昶稱其畫羅漢足與陳洪綬崔丹頡頏又有

鬼趣圖題詠者甚多詩亦超然物外自號花之寺僧妻號白蓮

亦能詩

吳錫麒撰墓誌銘以下新修

孫廷冕字冠賢黟縣附生工書畫仿漢迄元時印章畢肖有止

石山房印譜山江詩集又文生汪偉行草古雅王澤溥楷書工

妙何元士篆刻精勁

黟縣志

王大善字元長歙縣監生精算學凡數過百億人多苦茫昧大

善不持籌但屈指唱曰若干算持籌者必往復詳核始應曰如

若言大善之算蓋由天授云

程恩澤遺集

鄭復光字澣香歙縣監生以明算知名海內凡天元四元中西

各術無不窮究入微程恩澤與有修復古儀器之約著有鏡鏡

詒癡等書尤篤風義其師吳鎔與妻妾俱歿於京邸無嗣復光

釀資葬於石榴莊歙義園

程恩澤遺集

程建勳字君望黟縣諸生善畫通醫尤精痘疹時稱天花聖手

嘗輯痘書自敘其意以察色驗氣為主弟建極之子陟洲受其

傳陟洲之孫式玉式莊曾孫鴻業並以醫名鴻業治痘疹尤效

兼通易數壬式書畫摹印造泰西機器式莊於咸豐十一年殉

難

黟縣志

胡用中歙縣人能於桃核上刻人物小如黍豆而栩栩欲活嘗製渾天球徑尺度數時刻秒忽不差歙縣志

饒堉字福堂歙縣人八世業醫至堉尤精著傷寒訣傷寒變論

同里鮑集成字允大善療金瘡著瘡瘍經驗十二卷歙縣志

汪世培字亦莊休甯人善醫尤精喉科道光甲午池州喉疫醫

禱俱窮世培觸手即效休甯縣志

汪啟時汪元本俱婺源人並以醫名施藥濟世沈疴立起啟時

不著書元本著有醫學心傳痘科辨論婺源縣志

胡新楫字桂為黟縣人府學生受父維邁醫學年十五時祁門

方氏兒病劇維邁使新楫往治詢知飲酸傷筋治以薑汁立愈

自是行醫六十餘年及老病避入林歷山求診者踵接乃喟然

還家子佩丹與周俱以醫名黟縣志

汪荃字香谷黟縣人世業醫至荃尤精嘗治三歲羸女取久白

貓矢炙研無灰酒灌之愈常州名醫法冠卿治水腫不驗以方

來告荃曰方佳少活蝦蟆作引耳如法果瘳生平謹慎日所治

病夜必檢書辨同異慮有謬誤子濟舟從弟藝書從子松谷均

傳其業黟之名醫有王遠音吳百祥李體仁葉次山胡朝瑚江

湘嶼葉夫堂程際唐孫凌滄汪大鏞胡學本又諸生蘇熙載字

禹功善醫有行誼咸豐癸亥遇賊不屈死黟縣志

胡潤川績溪人三世業醫潤川尤精遇貧者送診給藥著有醫

學錦囊傷寒辨微女科臨證指南同縣周漢雲字天章石上錦

字元素余道溥字問舟並以醫名績溪縣志

楊大川字汝舟婺源人世業醫自其祖來當塗至大川名尤著

用藥平淡而著手全活性好施予散棉衣給錢米助棺掩骼無

歲不舉

當塗縣志

胡開文名正績溪人孝友樂善先是歙人曹素功造墨名一時曹業替而胡代興所製蒼珮室墨充貢品子大醅世其傳績溪縣志程與輪字雅扶歙縣歲貢候銓訓導工大小篆八分書手寫小篆十三經說文解字又工刻石仿秦漢印章刻有二十四詩品及槐瀕印存歙縣補志

甯國府

唐夏榮宣州人有相術蕭嵩陸象先為僚壻蕭尙未仕陸已任洛陽尉榮謂象先曰陸郎十年內位極人臣然不及蕭一門貴而且壽人未之信天寶中嵩兼中書令年八十餘子華歷中書侍郎同平章事乃服其冰鑑云舊唐書蕭嵩傳紀叟宣城人善釀酒能禮賢嘗以酒飲李白比卒白哭之以詩

曰紀叟黃泉裏還應釀老春夜臺無李白沽酒與何人

李太白集

崔十五涇縣人善書李白酬其見招云爾有鳥跡書相招琴溪

飲手蹟尺素中如天落雲錦

李太白集

陳氏失其名宣城人家傳右軍與其祖求筆帖柳公權求筆於陳先與二管謂其子曰柳學士如能書當畱此不爾退還即可常筆與之柳果以不入用別求陳曰先與者右軍所用柳信遠

矣瑣錄

包貴宣州人善畫虎子鼎繼之所作乳虎圖絹素雖破精潤如

新畫品江南舊通志

宋徐昞涇縣人善畫嘗於靈惠廟正殿後壁畫一龍筆勢飛動

見者竦慄水旱祈禱輒應甯國府志

諸葛高宣城人世工製筆梅堯臣次歐陽修試諸葛筆詩云筆

王諸葛高海內稱第一蘇子瞻云諸葛筆譬如內法酒北苑茶縱有佳者尙難得其彷彿林和靖云頃得宛陵葛生筆如麾百勝之師橫行紙墨所向如意江南通志甯國府志

呂安世旌德人以善星名大觀中長星見安世上書言主河北及東南當有兵後語涉宮禁有旨押歸復驛召借補宣德郎令鑿河北山川旺氣之所安世既往並圖關陝要害將上權貴疾之諷臺諫言其傲誕追原官罷之已而南北變故相仍人皆嘆其先見甯國府志

吳鎔字國器甯國人隱於醫全活者眾略不言利年百歲視明聽聰面灼灼有光人稱不老仙甯國府志

元徐文中字用和宣城人善鍼法兼通道術爲吳掾鎮南王妃患風或以文中聞文中診之接手合骨曲池而鍼潛入焉移晷

手足俱舉明日起坐遂愈嘗大旱祈雨振袂一揮雲起雷作大雨如注後仕至紹興路知事卒江南通志甯國府志

明王德文旌德人洪武中以明醫送部子潮永樂中授訓科孫興宗洞達壽夭宣德中膺冠帶甯國府志

劉國昂旌德人醫得異傳明季大疫施藥活人無算江南通志

左焜涇縣人洪武中舉爲醫學訓科有達官尹姓者病亟上命良醫治之焜往驗令以茯苓煮粥啖之果愈同族左維垣世傳醫學尤精傷寒萬歷間授太醫院官甯國府志

程文中涇縣人宣宗時從其父御史富征苗裔擒六十餘人授七品散官富致仕歸途遇盜以術制之悉擒獲焉同邑諸生查夢綱亦有異術甯國府志

趙鈞涇縣人多隱德最精堪輿自葬其祖於黃麻山預言子孫

於某科當捷歷歷不爽甯國府志

方希叔宣城人善八分書精繪事尤長於草蟲淡墨揮灑飛動

如生年九十餘卒江南通志

管擢南陵廩生博通經史旁及醫術所活人不可勝計無一言

及於利著有保赤全書甯國府志

翟視字仲明涇縣人曾官石門知縣少以豪傑自命後師事湛

若水有得晚號狂斐子精數學撰原一數學洞微十二卷其術

不傳甯國府志

周子幹太平人通道術嘗經柏葉山見石塞路祝而去之一夕

雷震石裂行李坦然尤精醫著有醫案數十卷江南通志甯國府志

查萬合涇縣人善鍼術有半仙之名或問萬合所活幾何答曰

吾非能活人但不殺人耳同邑沈必孝精醫好義有佛心仙手

之目江南通志甯國府志

左激字有昂涇縣人善醫為訓科旁通陰陽卜算之術尤精地

理著有家警錄為堪輿家所珍甯國府志

葉兆京字于周涇縣人工制藝尤精書法直偁董宗伯人得片

紙傳為珍玩同邑王士勤行楷入二王之室又趙田字古農筆

法遒勁小楷尤可寶貴甯國府志

梅克濟涇縣人曾官考城主簿升倉大使所至得其書者咸寶

重之甯國府志

饒震元字登之旌德人萬曆戊午舉人知綿州事畫宗小米點

染雲山澗以青碧翛然絕塵族孫大振邑諸生每大醉縱筆作

山水人物極精甯國府志

程寶顯旌德人性至孝祖父病噎封股以進母病足寢食不離

善寫真神形偏肖湯祭酒賓尹以爲無出其右者甯國府志

李治字赤山太平人工書適勁能透紙背江南通志

蔡子仁太平人善寫真工界畫得李將軍法江南通志

僧坦然太平人善鍼術胡某中風垂斃僧再鍼之瀉痰斗餘而

愈石埭高令患癱瘓僧再鍼不效靜思良久更製長鍼一鍼而

愈甯國府志

劉太憲字用章太平人少工八法篆隸尤精鐫刻圖印刀法如

何雪漁文三橋古健可愛甯國府志

焦耿芳太平人精醫投無不效公卿爭延致之同邑孫廣少業

儒棄去往師歛醫程敬通盡得其術投無不效口不言酬貧者

兼施之藥甯國府志

邵堯字惺之太平人崇禎庚午武舉嘗以水墨作花卉翎毛又

以硃塗竹石有天然縱逸之妙甯國府志

周之明字誠生太平人精岐黃挾術以遊名重兩都文震孟倪

元璐皆得其力作詩贈之有所得必以均弟及孀弟婦以成其

節置義田以贍族著有問答醫案四時調理方書行世甯國府志

邵岑中字逸峰太平庠生工繪事山水宗董北苑晚年出入子

久叔明秀逸蒼深有咫尺千里之概同邑程天祐能作淺色山

水及人物樓閣又譚履吉者善潑墨山水林壑雲烟出沒亦能

手也甯國府志

奚月川太平人善堪輿人推爲張宗道之亞甯國府志

項應寵字仲嘉太平人時邑令許光祚以畫擅名見而愛之教

以臨摹遂得大成尤工小楷甯國府志

崔瑞生字衷白太平人性孝友善岐黃專以活人爲念絕不受

酬又得養生訣年踰九十神明不衰同邑程國令詩畫冠絕一時後乃專意岐黃謂有益於人也所見每出人意表屢著奇效

甯國府志

譚之化太平人工弈著棋譜時稱國手

甯國府志

國朝王罔字仲山宣城人書法顏平原順治間太平守擬書丹陽

古郡四大字刻石城闔無當意者或薦囹青鞋布襪守頗易之既拂紙疾書眾皆驚異又能以淡墨寫枯花草蟲嫣然有致

甯國府志

王猷字肇宗宣城人博覽強記嘗遇一操舟者名季海授以導引之術遂隱於卜康熙時督師董公聘入幕平諸寇多資其卜以決所向自以日者之言多謬著有九十四家年月考及算書三式切韻諸書卒年八十七

江南通志甯國府志

芮伊字與權宣城人性多巧思能手製自鳴鐘及諸測量器嘗

得西洋書百餘卷皆通其法

甯國府志

蔡瑤字玉及宣城人善畫山光雲影森秀可愛

甯國府志

萬惠字德軒涇縣人遇異人授太乙神數兼通象緯占步之術嘗元日脫衣就潭浴氣蒸蒸如沸鐺著有河洛圖說易二傳解注及數學精微天文星氣形家理氣諸書既而謂不當洩盡焚

甯國府志

劉光暘旌德人工篆刻順治初尙書馮謚招之至京令鐫快雪堂法帖進呈稱

旨授鴻臚序班其族子玉標亦工篆刻河撫汪瀨倚雲閣集有贈劉劄

士歌卽玉標也

江南通志甯國府志

翟時泰涇縣人少因病讀醫書遂精其學郡守佟賦偉母七月

患熱證泰以參耆投之眾皆駭問答曰如是可延至冬不則秋
深可憂一日母啖西瓜大爽並食粥時泰遂辭出署曰不出三
日矣次夕果歿又有客三日不溺勸其速歸曰汝至中途目疾
必作次日盲一目其臨證奇中如此甯國府志

郭之晉宣城人善花卉翎毛寫關雉尤有生氣同邑呂慧字定
生工人物花草又有湯逸者字希白隱於詩畫行頗高潔俱有
名甯國府志

劉南英字宇千宣城人工詩尤精琴理著琴學集成十卷梅徵
士文鼎序之甯國府志

王之冕字憲如宣城人善療目疾著啟瞽功纂青囊精選二卷
甯國府志

呂起綸字友柏旌德貢生精醫應手輒效其生平孝友輕財好

施尤有足多者甯國府志

黃太松字耐巖太平人嗜酒善畫知其癖者每招飲濡墨候之
興發揮毫頃刻可畢數幅嘗遊杭城適制府校畫史太松翎毛
花卉皆第一名愈噪山水尤不可多得張相國玉書得其一幅
如獲拱璧孫夢彩字德輝能得其傳嗜詩書善鼓琴所至公卿
皆爭禮之甯國府志

江希舜字孺慕旌德人精幼科著有痘證元珠等書首創種痘
良方厥功尤鉅其孫有令曾孫必昌皆以醫名不計財利甯國府志
梅紳字培翼宣城人畫松石多奇趣同邑汪儒畫人物秋卉疏
淡有致又有尤書者字二酉寫山水花鳥筆墨蕭散有雋致甯國府志

倪度字孟則馬繼登字魯山皆涇縣人並工山水淡遠蕭疏得

雲林筆意又同邑以畫名者王改善蘭鄭文桂善梅蕭如龍善松鄭文鑑善山水樹石花竹文鑑嘗與蕭景獻王我遜僧西意等稱畫社十子甯國府志

陳孝字仲則涇縣諸生工草書嘗書仙峰二字於琴溪石崖高懸三十餘丈一字長濶丈餘趙宣刻之深入五寸許宣亦名工也好事者詩歌紀其事彙成一冊曰仙峰集孝有自著詩三卷甯國府志

施參字景曾涇縣人精六壬口訣有奇驗嘗賣卜金陵長干寺八月朔日晨起占本歲科名無一爽者尤善射覆年九十六鶴髮童顏神仙中人也子斌亦繼其術次子世琦幼子天爵皆善

醫官太醫院甯國府志方應召旌德諸生書做懷素瘦硬通神畫蘭尤稱逸品姪靜善

飛白書嵌空蟠折絕技也甯國府志

呂翥字苞羽旌德人書法米元章年十三至吳門尤侗贈之詩曰宛陵童子世無雙大字能書一丈強者是也尤西堂集

郭聘字研廬旌德人年十二以詠雞冠花詩得名畫師潛山陳延得鄒虎臣之傳卒年七十九甯國府志

張尙雅字以南旌德人曾官州同知畫山水學李營邱人物師陳洪綬時稱神品甯國府志

程籟字調梅旌德諸生書法初學趙董後自成家大字扁額尤為能品甯國府志

劉期侃字亦陶宣城人少客都門從高其佩學指頭畫法皴紋細理用指甲大則以掌縱橫變化高自言得之夢中非由師授而惟期侃能得其傳甯國府志

倪志淵字澄可宣城人畫山水有雲林筆意晚年右手折乃用左手更工甯國府志

曾文奎字星聚宣城人讀書不樂仕進卜居高清湖畔以琴書花鳥自娛精青囊術雖遇沈疴投一二劑立起亦不責謝有隱君子風甯國府志

劉子科旌德人善視目疾其六世祖華卿少遊京師遇異人授以祕書所治輒效傳至子科聲名遠播求醫者甚眾其子習登為童子時夢拾金篋一具術乃愈奇嘗治一大宅以待遠方來者車馬絡繹呼為劉仙甯國府志

劉茂吉字其暉旌德人讀書過目輒了旁搜天文地輿象數精推步所著有北極高度表天地經緯象數要略坤輿圖說京省全圖甯國府志

黃裔字雨先太平人太松曾孫善畫山水疊嶂層巒青蒼秀潤尤工翎毛花卉不失家傳甯國府志

胡向先字樂野太平人讀書知義尤精岐黃以術療人從不言利晚得異傳製膏藥以施人獲濟者甚眾遠近誦德今子孫猶遵餘訓甯國府志

吳遷字松喬涇縣人官刑部司獄工行草書尤善岐黃活人無算嘗注張會卿所著傳忠錄並新方八陣刊行之涇縣志

翟夢青字燕符涇縣庠生工書真行草隸皆入妙品尤善畫竹尺楮寸縑人以為寶涇縣志

宋元孟涇縣人精痘科著有痘科指要子天章世其業全活無算時有佛心仙手之稱涇縣志

翟聃字宛仙性孝友兄一貫早卒事嫂撫孤數十年如一日精

於醫懸壺姑孰遇疾疫調治不計利人皆德之涇縣志以上舊志

章醕字淡若甯國諸生工詩文以書法得名嘗寓金陵報恩寺

浮圖絕頂三年目之所見一洩之於書故下筆有奇氣而於草

法尤精甯國縣志以下新修

汪真理字慰亭旌德人候選鹽知事書法魏晉遒勁古樸精韻

學字母以等韻十二攝為主分韻則旁通潘稼堂類音著有同

類元音四卷旌德縣志

劉守憲旌德人懋吉裔孫製日月自鳴鐘下報時刻中列節氣

上懸日月其運行出沒盈虛長短與節氣時刻無少差謬他奇

器皆有心巧旌德縣志

方鎔旌德庠生精醫診病立愈手輯傷寒摘要著有溫熱條辨

及暑溫濕溫疫癘瘧痢諸條辨勝氣復氣二篇旌德縣志

崔之烜太平監生精醫活千餘人未嘗受謝貧者更饋以藥一

日邑令延之適他有求診者烜先造其家而後赴令怪之烜曰

公力能致他醫彼貧民不得烜則死耳太平縣志

